



通雅

姓名
官制

自二十
至廿三

13
1842
9



加
門
號
卷

3
門
號
卷
1842
9

通雅卷之二十

桐山方以智密之輯著

同里姚文燮經三較訂

姓名
姓氏

姓氏論曰百宮族姓見於堯典司高吹律以協各姓故譜牒世表史遷記之然蜀秦宓見帝繫之時五帝皆同一族辨其不然張說曰古未有姓自炎帝之姜黃帝之姬始因所生地而為姓則康成所云炎帝姓姜太皞所賜黃帝姓姬炎帝所賜皆臆說也隱八年無駭卒羽父請謚與族公問族於衆仲對曰天子建德因生以賜姓昨之土而命之氏諸侯以字為謚因以為族宮



有世功則有官族邑亦如之公命以字爲展氏釋例曰別而稱之謂之氏合而言之則曰族例言別合者若宋華向出戴桓公獨舉其人則曰華氏向氏竝指其宗則云戴族桓族記謂之庶姓者以始祖爲正姓高祖爲庶姓庶姓亦氏族之別名也姓則受之天子族則稟之時君其不賜者各從其父之姓族黃帝之子兄弟異姓周之子孫皆姬姓者古今不同賜姓者亦少惟外姓媯滿之徒賜族者有大功德宜世享祀者方賜之王朝大夫不封爲國君者王賜之族春秋尹氏之徒魯挾鄭宛皆未賜族故單稱名其士會之帑處秦者爲劉氏伍員之子左齊爲王孫氏知果自別其族爲輔氏皆身自爲之襄十年伯輿之大夫曰

平王東遷吾七姓從王賜之駢旄之盟襄十一年盟亳曰七姓十二國之祖可知氏族一也姓尤爲重姓之爲言生也氏之爲言類也呂東萊曰三代時曰姓者統其祖考之所自出也百世而不變曰氏者則子孫之所自分也數世而一變以智論之姓氏皆有別稱通稱豈可執漢儒之訓詁哉如堯舜姬姓稱陶唐氏有虞氏禹姒姓有夏氏成湯子姓有高氏此因國語帝昨禹以天下賜姓曰姒氏曰有夏昨四岳國命爲候伯氏曰有呂而旣稱國號曰氏耳上古至中古人漸繁故以氏族分之氏族始有定名至周始詳古則但爲名號若上古之氏則一國號也陶唐氏有虞氏猶之伏羲氏神農氏今之稱漢家唐家也因生賜

姓者立有德爲諸侯因其所由生以賜姓若舜由媯汭故陳爲媯姓諸侯以字謚爲族者位不敢同天子故氏其王父字或以其謚稱以爲族元凱十六族兄弟也世代從而人繁族大則族亦一姓也又有如觀射父所稱物賜之姓以監其官謂之百姓則姓之別稱亦猶是也漢去古近凌煙博陸稱曰霍氏以氏代名蓋美稱耳此知氏亦可以爲通稱也以左氏之說字謚官邑才四者而已柳芳曰後世或氏於國則齊魯秦吳于謚則文武成宣于官則司馬司徒于爵則王孫公孫于次則孟孫叔孫于字則展氏臧氏駟氏國氏于居則東門北郭于志則三島五鹿青牛白馬于事則巫乙匠陶通志則分以國以邑以鄉以亭以

地以姓以名以次以旌以事以謚以吉德以凶德以爵系國系族系名氏國爵邑系官名邑謚謚氏爵謚代北複姓關西複姓代北三字姓四字姓諸方複姓凡三十二類一切皆姓國則有代號廟號士夫有爵有謚無爵者有字有號衆所同然共止六例豈不亦便乎愚者曰三代之時姓氏分而爲二男子稱氏婦人稱姓氏以別貴賤貴者有氏賤者有名無氏姓所以別婚媾故姓異姓庶姓之別三代之後姓氏合而爲一皆所以別婚媾而以地望明貴賤魏晉置中正以門第官人李唐論相惟重八姓天監士流案譜貞觀禁約鬻婚抑亦未矣洪武四年廢圖譜局豈非厭其繁縟已甚乎蓋重賢過于世家也按仰萊姓

氏考曰庖羲氏而風姓烈山氏而姜姓似氏大于姓中古不得
賜姓因氏其王父字謚似姓大于氏殷五世通婚媾姓猶甚也
至百世不通其姓已繁然仍有姓有氏如師尚父姜姓呂氏姓
則不遷氏則屢遷後世以氏爲姓無復分別男子稱姓女子稱
氏一也而有百姓千姓之書百七十門萬姓之統譜矣

自有統譜原引粲然然未必盡當無舛也如所氏引伐木所所
以古有虞衡因主代木遂以爲姓此亦支矣風俗通所姓宋大
夫華所事之後穀梁傳隱九年俠卒俠者所俠也此與顏籀已
異朱以爲舜臣朱虎後似之東觀曰其先宋微子之後周衰宋
滅犇碭易姓爲朱廣顏本自高陽後周封于邾爲楚滅子孫去

邑氏朱則朱有三說路氏國語妘姓陸終子求言後別封路廣
韻唐世系姬姓帝摯後封路急就篇注路水名在涿郡界居者
氏焉此亦三說也苟艸名所居饒之因命氏又云晉苟氏後避
難改姓姓苑又云黃帝後說亦參差今關中著音苟去聲其實
說文苟字从苜省著古文也龐爲高屋之名其先殷富好爲室
屋審引審艸而執當爲司空之官則尤回穴矣兒倪本爲一姓
邠尋文合斟尋亦即是裴而師古不能原角本無用而應麟分
爲二又何在是正閔閣逢逢以爲功哉觀通志所載移避所更
相伯哀爰之爲一疏棘桂痛之更變京崧之自取賀師之避諱
吞之音他前遺之音惟賁之音肥不之音彪玉之音肅能耳

姓之音耐員慕子昏則平聲不當音運母丘卽貫則雙姓不得

音無加以遺複治改無常博雅者不能無漏宜矣是用裒集列

其稀僻者備遺忘可也自子長剛世本為世表旁行邪上并效

引周譜後漢有鄧氏官譜應邵王符皆有姓氏篇何承天乃作

姓苑吳志薛綜定五宗圖晉摯虞作族姓昭穆記南齊賈淵祖

弼之父匪之世傳譜學王弘百家譜王儉廣之元魏定諸州土

族自陳羣九格由中正考之唐有高士廉氏族志路敬淳衣冠

譜王元感姓氏實論柳冲大唐姓族系錄二百卷柳芳註論甚

詳作永泰新譜李利涉唐官氏記韋述開元譜張九齡姓源

韻譜林寶元和姓纂八姓外三百五十一姓宋景祐雁門郡思姓

解百七十門二十五百六十八氏錢明逸撰熙寧姓纂紹興中

鄧各世有姓氏書辨証鄭樵為氏族畧長沙丁維臯撰百族譜

周益公序又嘗修姓源韻譜容齊常譏之鄧氏辨証黃潛嘗譏

之大抵附會耳洪武十四年編修吳沉典籍劉仲質吳伯宗據

戶部黃冊編為千家姓首云朱奉天運楚中周景虞以韻編之

成章如千字文因姓載歷代之人則凌迪知萬姓統譜具矣然

無辨證當別作一書而闕疑尚多且有所俟崇禎戊寅冬皖桐

方以智密之
識于稽古堂

真繫定世周譜為法○周禮世真繫小史定繫世疏曰天子謂

之帝繫諸侯謂之世本世本十五篇劉向言與左氏合載在漢

志世本叙黃帝以來祖姓所出史遷所從取以作史記者隋經

籍志諸漢初得其書蓋出于秦焚之後宋洪景盧謂其書今亡

不知於何時亡耶唐志宋衷世本四卷春秋正義曰今之世本

與司馬遷言不同遷言多誤通鑑外紀曰世本經秦歷漢儒者

改易則唐以來混之非也

古重賜姓今重別婚○姓非天子不可以賜而氏非諸侯不可

以命姓所以繫百官之正統氏所以別子孫之旁出族則氏之

所聚而已蓋別姓則為氏別氏則有族族無不同氏氏有不
族故八元八凱出于高陽氏高辛氏而謂之十六族是氏有不
同族也商氏條氏徐氏之類謂之六族陶氏族氏之類謂之七
族宗氏華氏之類謂之戴族向氏謂之桓族是族無不同氏也
蓋古以國為氏號故齊支謂之族自漢以後族即一姓矣
半于姓慕伍員不當去聲而姓苑前涼之員則以姑幕員亭之
聲而誤○唐員半千本宋劉凝之十世孫因受齊禪奔元魏自
慕伍員改姓員人即附于前涼員家遂與姑幕縣南員亭之員
俱作去聲按半千以慕伍員改員杜預音云員字子胥詩樂我
胥為餘辭聊樂我員亦餘聲可知伍員平声乃宋人譏之升菴
曰伍員之員音運良齊等書祖之朱光家乃造分員員為二字

母丘當音貫○史曰世家伐衛取母丘注索隱曰母丘即貫古
國名今作母字殘缺耳然今廣韻韻會虞韻母字下載複姓引
母丘誤矣此因漢書有曼丘臣師古曰曼丘母丘本一姓故遂
以為母然則漢時母已訛為母母與曼聲近升菴曰漢有母丘
興母丘長母丘毅魏有母丘儉今分為二曰母曰丘而母為父
母之母母氏子孫亦不知矣七修類彙曰母丘音貫見在濟陰
縣南今為曹縣按母古字後人加貝母蓋古冠象建簾形借為
貫串之母升菴亦未知也

左丘明姓丘○單姓丘者亦不本于母丘孔平仲襍鈔曰左丘
明姓丘李太虛侍郎虛中言昔湖州有人發古墓得碑乃南朝

丘遲其言遲乃左史丘明之後王元美駁之元美安知左丘明
之確姓左耶孟竒有丘明不姓左之說

郗郤本分而聲亦相借○東觀餘論曰郗姓音締而俗作郗因
讀却詵之却詵乃晉却敷後郗鑿乃漢郗慮後陸魯望詩一段
清香染郗郎亦誤矣然觀石軍帖以郗爲却誤自此始退之所
以照爲俗書也智按說文繩在河內丑脂切繩晉大夫叔虎邑
綺戟切卻詵爲却故亦混郗母亦締絡相因郗轉入爲郗乎隋
書袁充傳冬尚衣葛客曰締兮絃兮淒其以風則谷去隨人屬
書从矣劉杳云栝酒音振而升菴音栝爲郗將以若去同而及
郗耶栝音振無因嘗以沈約播酒亦是汁酒當緣汁轉平爲締

猶郗轉郗也戲可平去故劇亦音戲古人讀郗亦與嘻近故魯
望借聲作詩耳

錢省爲秦○彭祖姓錢名鏗轉注古音曰錢本禾名隸省爲秦
此說出國名記揚龜山曰論語稱老彭謂老子彭祖也武夷志
錢鏗二子長曰武次曰夷

揚自非揚○升菴曰晉有羊舌氏叔向子伯石食邑于揚曰揚
食我晉既滅羊舌氏分其田爲三縣曰平陽曰楊氏則羊也陽
也揚也同出一姓揚子雲自以爲蜀無他揚字不從木而揚修
曰吾家子雲特子雲好奇耳智以姓亦何竒之有古今渺莽姓
譜皆附會其說不一子雲自云姓楊甚明揚修少年聰穎

考究未深且古人凡事假借談諧故曰吾家子雲今乃欲改子雲之姓則何不改揚州爲揚乎趙九夫亦以子雲爲木旁揚皆坐此故

司徒通作申徒信都申屠 司徒以官爲氏史記項梁立韓成爲韓王以張良爲韓申徒卽司徒莊子有申徒嘉又有申徒秋皆複姓西漢申屠嘉東漢申屠剛與申徒同宋羅璧識遺云史通譏遷固謂韓王名信都亦誤矣潛夫論拜良爲信都又曰信都者司徒也楚漢春秋作信都注信音申此與史記申徒可互推古人信與申通司因信轉之故

堂谿卽唐溪○風俗通吳王夫槩奔楚封堂谿因爲氏延篤傳

少從潁川唐溪典受左氏傳魏忠曹勝在省闈薦潁川堂谿典卽唐溪典水經注作棠谿典

鄧名世謬擄翟狄之疑○黃潛筆記言鄧名世姓氏辨證以穆爲宋繆後繆爲秦穆後非也此因皮日休有秦穆謚謬論耳如謬思正作謬而鄧亦不引翟方進汝南人而謂方進音迪汝南之翟音宅何自相矛盾耶

稽嵇○呂覽秦醫者稽黃漢貨殖稽發黃帝臣泰山稽之後嵇康之姓則音奚奚本夏車正奚仲之後康爲上虞人徒亳州嵇山之下遂爲姓嵇紹在晉爲鉅縣人卽今之宿州也宿州有嵇山說文嵇字乃因嵇氏而新附者又複姓有温嵇氏後周耿蒙

賜姓諸嵇氏洪洲奚姓之下矢收嵇

洪昌洪果非洪氏弘憲非弘氏○容齋曰國朝所修姓源韻譜可咲如五代有叅知政事洪昌洪果皆劉龔之子及晟嗣位用爲知政事本連弘字以國朝諱追改之非姓洪也洪慶喜序丹陽弘氏云有弘憲者元和四年跋輜川圖不知弘憲乃李吉甫之字

三眷三祖○五代史裴氏號東眷居西涼者西眷居河東者中眷按唐宰相世系表東眷有居道休澈均冕度西眷有寂矩中眷有光廷遵度樞贊人韋氏潛號西眷穆號東眷其號三祖者則崔李鄭薛也崔殷子雙爲東祖耶爲西祖寓爲南祖亦號中

祖李楷五子叡爲東祖芬與弟勁共稱西祖輯與弟晃共稱南祖鄭温子曄爲北祖簡爲南祖恬爲中祖薛懿三子詠號北祖雕南祖興西祖見唐世系表此祖者猶言宗也

言夏子者禹湯也○徐樂傳名何必夏子服虔曰夏禹也子湯也湯子姓又如杜周傳覽宗宣之饗國韋昭曰宗殷高宗也宣周宣王也

負卽彘身卽厥○漢有多姐羌見馮奉世傳後合多姐爲彘音陝近時有登進士者御筆改爲彘音陝云今字彘作負从貝訛也傳雅有馳卽姐字皆時造也如漢賜衡山妾厥氏集韻古作身身後又造留字短也留氏京兆人今字彘作身按古尚書厥

作昏以篆匠也捨厥音近遂訛爲身
庫音赦卽音庫之轉○後漢竇融傳金城守庫鈞今字書音赦
不知古多魚模漸轉家麻庫之爲赦猶埤璉惡亞也如晉中郎
晏清音緩蓋古煖音暄莊子煖然音暄是也煖或作暖師古以
爰書爲換爲其音近今吳人讀援如玩

屯莫如音沌○風俗通混沌太昊之良佐因以爲氏漢有屯莫
如儒林傳作毛誤矣沌卽屯今洪州通考姓氏願韻遺收屯姓
又姓譜且姓引亘護之今南史作垣護之此非南史誤蓋桓氏
避欽宗諱改爲亘氏洪洲載紹興時甚明升菴以爲南史誤則
又誤矣

母嬰姓在麋韻○升菴七麋載母嬰開元言象亭十八學士之
一其後孟蜀有母嬰多藏經史號曰蜀本宋末有母制機亦名
士元瑞嘗譏丹鉛錄云母昭裔孟蜀人其子母嬰藏書最富今
合此條知升菴懶于嘗翻正史喜閱小說小說偶以嬰訛爲嬰
而遂以爲開元之母嬰耳今王伯厚書亦嘗作母嬰卽筆叢亦
間作母嬰豈便引用乎或曰安知非前人之誤智謂新舊唐書
皆作母嬰董衡特作音訓音嬰爲罔蓋嬰之訛竇革亦音罔楊
公之誤明矣然收母姓于麋韻最是洪洲止八有韻而子謙竟
不載矣蓋有韻者乃晉人之音如易林中田膏黍以享王母後
漢語前有召父後有杜母可註元美作母嬰收于虞韻亦誤

後乃備之訛○弇州說部載後姓音多漢後宗又載備音明漢
南山盜備宗此誤也王莽時南山盜佃宗佃或作削備備後芟
六字通用道昭洪洲皆詳

朴姓音標○六合有朴姓自云音標蓋出自高麗智謂不準之
不古平聲有讀爲細聲者故轉注略音彪朴與不近標又彪之
轉也

姓氏字音變易有不得不因之者○楊氏曰如鬻音萬軒音呼
榻音喧庫音赦余本余而轉作入音蛇也音彌也切字皆生造
若嵐菊吞艮本桂姓避仇而分爲四字伯厚音桂道昭音携厚
無其字他若警音盤學音拱渡音文耨音昨命音丑覲音運凶

音罪雙音暴蒼音孤求之音義了不可知想前代吞之音天亦
此類乎氏族書有吞景靈晉有吞道元與吞公牋今類書引之
改吞作查書叙指南所引猶是吞字蓋古天有汀真切則吞有
他前切乃其理也俞非從俞乃說文珣姓而加之者也爰音倒
乃雙字古俊改人在上作愛遂書作雙此姓苑之失也然嘗金
姓鄙而作甍或本于党蟲達本蠱省而蠱又音治孟獲讀莽獲
而莽何羅乃以逾故此中沿失豈是一端又言宣德中王驥征
麓川有土司三人乞賜姓驥以怕力剝爲三箇姓其後三人得
華風漸識字改怕爲怕力爲刁剝爲隋又有游高言隋爲裂肉
乃改爲多諸如此類莫可紀是以姓氏一事最難是正不如

聽之

姓名人名

不能盡載第取嘗所見而音釋未定與鈔刻訛異者或考論其分合則記之

有各本異載而實同者○伏犧一作處義庖犧包犧炮羲伏戲律歷志作炮羲帝王世記作包犧莊子伏戲得之以襲氣母羅泌云名蒼牙姓苑伏勝伏后宓子賤皆伏羲復韻會作處子賤家語作宓不齊三國有秦宓古實通借而字書分處為虎兒宓安也遂成二音而竟以言處子賤者為誤泥矣姓韻一屋有處而四質無宓可證舊說作網取禽獸供庖廚故曰庖犧氏智按古包亨一聲如抱桴桴胞之類詳觀亨甫付伏故包伏亦相通

○神農神由崔希裕略古以神農作張董道錢譜作神由○伊帆卽伊祈又作伊凡古天子號或曰卽帝堯之姓伊祈保定府完縣有伊祈山堯母所居周禮有伊耆氏疑古有此稱遂為職名○大命卽大禹山海經舜稱帝俊禹稱命藝文志有大禹三十七篇字作命王氏引作命史記注禹名文命字密之類何可信也○鼓叟卽瞽叟古今人表尚書作瞽瞍字書作北叟呂覽瞽叟伯厚升菴引作鼓棍乃古篆之訛文然呂覽瞽叟亦瞽者通稱不必卽舜父也○伯鮓卽伯鮓見書注升菴以歎為鮓楚辭作鮓尚書作鮓字考作縣阮公堅之每據屈子以鮓為寬智又因東坡言四族非四凶為左傳流傳之過益信其人殆剛直

犯上者○帝芒卽帝荒見夏紀孟浪一作益浪益本血益音荒
去聲今猶以慌忙連稱○牟光卽務光見人表伯昏無人卽晉
人蓋古務牟無模通聲○帝子卽帝杼夏紀顏魯公吳興地記
烏程有杼山言夏七世王杼巡狩至此○續身卽續牙舜七友
之一也戰國策顏觸曰舜有七友注七友雖陶方曰續牙相揚
東不訾秦不虛靈車也見陶潛聖賢羣輔錄尸子止載六人班
固人表載五人師古曰秦不虛或作秦不字雖陶一作雄陶○
伯璉卽伯罔或作璉璉唐杜佑疏伯景卽伯罔○仲囀卽仲虺
荀子引仲藟亦仲虺也囀古雷又爲雷聲音虺辛泉載囀是也
九經考異作仲囀與石經仲傀而不
藟○伯璉卽伯罔之

卽益元瑞考訂確以爲是一人而史記誤分也據竹書費侯伯
益出就國則知大費爲國封矣呂覽作化益世本化益作井宋
衷曰伯益也又作伯噏○順咬鴟咬卽驩堯尚書古文作鴟咬
韓退之有關弓射鴟咬書疏引驩頭郝氏一作謹朱弱侯引韓
詩作顛父○商商卽大丙列子曰王車則造父爲御商商爲右
蓋善御者或曰周穆王車名石林燕語曰王起所不識者惟商
商二字王起唐武宗時人王伯厚音爲秦丙近代屠緯真作序
曰唐辨商馨止存王起王元美胡明瑞作馨門其引穆天子傳
又作箇箇爲右則又以訛傳訛矣梅氏音齊合舊音秦丙按淮
南鉗且太丙之御可證伯厚之秦丙乃刻者之誤梅氏之齊合

抄道昭篇海耳○柏譽虞書作伯與人表作伯譽○咎單尚書
序作臯善○末斯古文尚書作文斯○中留仲忽古今人表如
張中之山甫於陵中子皆仲字周八士四產八男之說向無所
徵今徵之董仲舒郊祭篇包咸據此作注○言於郎言偃說文
牝於蹇之兒古人名偃字子游謂旗之九旂也○卑湛古今人
表作裨湛○伯獮郎伯服周襄大夫獮音避牛八歲曰獮有讀
服筮為避匿者箠一作鞫可知古人服與避為一聲○禽敖齊
有黔敖古今人表作禽敖○犁鉏孔子世家犁鉏請以女樂遺
魯韓非子作犁且○申棠筆乘曰論語申張鄭氏云郎申續史
記申棠字周家語申續字周史記以棠為黨家語以續為續傳

寫之訛也後漢王政碑有羊羔之潔無申棠之欲以張為棠則
申張申棠一人爾開元封申黨石陵伯又封甲張魯伯宋祥符
封張文登侯又封黨淄川侯竝列從祀嘉靖九年祀止存張李
士龍曰棠字非音棠棣之棠蓋與張郎一字而兩書耳觀古文
瞠亦作瞠撐亦作撐鎗亦音鎗六字竝音鎗皆諧聲字也張亦
音張本作穀亦諧聲字司見棠亦音張史記有申黨無由棠信
訛也智以古庚合陽張亦讀倉故與棠迥考士之黨郎撐可証
續則報之入聲○會藏郎點說文乃作藏○巫馬旗郎巫馬期
見呂覽○季次一作季況仲尼弟子季況游俠傳作季次郎公
皙哀不皆為家臣子華子有季況語○曹劌郎沫左傳曹劌史

記作曹沫河之盟執七首劫齊桓又作曹翽因劇而訛○甯戚
甯戎甯越淮南子作甯戎智按古鉞作戈非戎已之戎也史記
作甯越一作甯越通考作甯經訛也呂覽勿躬篇管子請以甯
邀爲大由誘注卽甯戚○屠蒯卽杜蕢禮杜蕢自外來鄭注或
作屠蒯左傳作屠蒯○文伯歎左傳孟文伯歎慶父孫其父穆
伯公孫敖也娶莒曰戴已生又伯聲已生惠叔禮記注文伯歎
卽穀也季悼之子公甫靖是穆伯穆伯妻敬姜生文伯據世本
而文十五年公孫敖之喪亦有聲已惟堂而哭之之事○逢蒙
荀子呂覽俱作逢蒙門王褒作逢門七略作逢蒙古通用逢之後
別○逢蒙之弟名鴻超楊朱之弟名希見列子○亢倉卽庚桑

莊庚桑楚老子弟子列子明弟子有亢倉子今亢倉子書乃唐
王士源作孟浩然集序自言修亢倉子九篇○精目列子爰精
目狐丘父之盜舖之張衡應間旌脊注卽精目○孰姑卽壽諸
郝氏曰世本吳孰姑徙句吳注孰姑吳王壽夢也春秋稱吳子
乘或謂之乘諸諸與姑壽與孰聲近本一人今之常孰姑蘇本
此智按樂記封堯之後子祝或爲鑄後又省爲壽宗吾本曰今
姓有壽乃鑄之後此足証孰姑卽壽諸之音如唐初使突厥之
鄭元璿音東則亦北人熟壽二字呼之爲一故隨平以來東字音
釋之而胡三省據爲典故不敢改耳○史記左氏轉設諸相如
賦作剽諸卽史專諸○禮記世柳卽池柳○集韻迢任卽遲任

○世本然王卽報王報古人扇切○示昧祈彌卽提彌左傳提
彌明搏鬚史記作示昧明索隱作祈彌○考異有扈氏古文作
岬溪書作戶○有扈氏卽有仍氏見人表○莫蹠卽莫敖蹠之
亦與蹠之通可証字當作蹠而蹠先又分爲二字○穀於菟音
垢鳥塗今遂有鷓字鷓字卽孫叔敖卽爲艾獵列女傳作爲獵
艾永叔跋孫叔敖碑名饒今字書又作穀○無佻穀梁作無駸
○裂繻公羊作紀履繻○州吁穀梁作祝吁○文十四年晉人
納捷菑公羊卽杵臼○屠顏賈卽屠岸賈○左趙盾弑襄臯公
作襄獯○昭元年齊國弱公作國酌○軒虎公羊作罕虎○公
作成熊穀作成虎○夷昧公羊作夷未○郤宛穀梁作郤宛○

伯舉公羊作伯莒○陳孔魚公作孔瑗以古讀援如玩○意如
公羊作隱如○弁瑁琴操作下和○琴冒勃蘇卽申包胥見國
策琴乃申音冒勃乃包音蘇乃胥音○知過人表作智果○秦
穆公時方欽善相馬莊子作九方欽通作諶音因又音烟李軌
音鳥兮切又作九方臯韻會作一名皇孫恒作欽洪洲但云九
方甄作九方臯旣涌又誤○薛燭說劔者地朴子作薛灼文選
注薛蜀○癰疽瘡環說苑作雍睢孟奇謂字書不相通字書自
不知古人之通也趙岐謂瘡爲姓孟奇謂瘡如巫尪之類○顏
讎由孟子所主史記作顏濁鄒師古注人表顏濁鄒卽顏涿聚
也郭太謂左原曰顏涿聚梁甫之巨盜設于本楚國之大馭平

爲忠賢注見呂覽推讎由當與仇繇讎夷鴟夷聲轉似因人形
而呼之疑濁鄒二字亦是古方言醜語也○石經孟子靈龜卽
蚍蜉見楊桓六書統○鬼谷升菴以爲卽鬼容區又作史區一
統志曰姓王名謝洪洲作名詡其實儀秦所師乃託言耳烏有
先生也○郁釐史記杞文公卒弟平公鬱立索隱作郁釐引譙
周云名郁來然則青田之郁離子本此字○計然計研計倪崆
斫見史記及吳越春秋卽辛文子一曰名斫研之訛也○孟卯
卽芒卯戰國策人孟獲亦讀莽獲古讀益浪可証○呂覽高文
與吳起語相事史記作相田文與吳起言漸子謂孟嘗封于商
愚謂嘗高音近相借○召由轉子作仇繇修文御覽引呂覽曰

中山有瓜繇者智伯欲攻之遺以鐘升菴引作瓜繇則呂覽之
訛本也今本皆是瓜繇公由又作吼由○呂氏春秋荆人飲飛
刺蛟或作次非馬融頌引作茲飛注卽飲飛漢武以爲校尉之
名博物志注周日用曰余嘗行經荆將軍墓之與羊角哀隣昔
安伯施云爲荆將軍所伐乃在此也其地乃苑陵之源求見其
墓碑將軍名軻字次非豈古先有壯士次飛而軻墓之以爲字
乎此與管子之稱西施可互証也○固乘新序作固桑說苑作
古乘人表云晉船人固來師古曰卽固乘也見黃朝英說○景
琬師古曰子何及卽景菟宋玉弟子也今作差洪洲載一作景
慶○南榮疇卽南榮越漢表作疇而莊子注音越爲疇蓋侏張

卽併張古音通也○徐市卽徐福秦方士以童男女入海者市
卽古蒂字故與福音通陳水南曰今倭之北京有徐福祠亦自
以福爲其祖也金仁山言日本云吳太伯後則吳七其支庶入
海○赤廩卽赤省王莽傳○苦咽賊名見朱雋傳九州春秋作
苦咽○悔母卽嫫母○姐改黜已卽姐已字統作黜已說文有
改女字也自當爲姐已而設○公羊聖善卽聲善○頃熊公穀
以羸氏爲熊氏敬羸作頃熊或曰秦姓羸其先史作熊渠熊通
可証○閭須閭媿閭妹孟媿明媿閭娶魏策曰閭須南風之媿
荀子佻詩閭媿子奢莫之媿也楚策孫子賦閭妹子奢莫之媿
兮七諫謂閭媿爲醜惡哀帝命隴廉與孟媿同宮後語作明媿

因孟訛爲盟又訛爲明集韻引荀子閭娶則移體耳○先施卽
西施古先西通音國策魯連曰豈毛盭先施哉七發使先施陽
文皆謂西施管子西施毛嬙盛怒氣于面不能以爲可好管子
去吳越數百年則古有此美人而越女慕之爲名耳莊子斥與
西施司馬彪注云夏姬不知何據或夏姬亦名西施邪或曰或
吳時人借此相美洪洲曰西施姓鄭名旦此不足據○羅紉卽
羅敷馬永卿言昌邑王妻中一人嚴羅紉之音敷智按漢書昌
邑傳臣敞故知執金吾嚴延年字表孫女羅紉前爲故王妻察
故王清狂不惠師古曰紉音敷此卽慕羅敷之名而名之永卿
引作紉又見誤本○有謂莫愁非女者有謂曲名而以人當之

者盧家其一也河中女其一也焦澹園爭莫愁爲台門狗矣宋
曾三異以石頭城在楚之郢中今有莫愁村智按三異說是但
召城爲今承天承天非郢中乃後周改爲郢中自三異又云曾
見莫愁之像有石衣冠甚古乃古之神仙者流非女子也此
姑勿論石城樂城質爲竟陵時所作莫愁曲云聞歡在揚州相
送楚山頭楚山必在楚澹園謂揚州近白門則承天之容不下
揚州乎唐人詩村近莫愁連竹塢人歌楚些下潁洲則莫愁屬
楚梁武樂府云河中女兒名莫愁洛陽亦有莫愁海記云莫愁
乃曲名而以人當之仁寶言宋有蘇小小武林小說言自古至
今凡有二十許名小小者可以爲澹園爭莫愁解嘲○

有無字無名而後人考出者○青陽帝父高密少昊名摯字青
陽帝摯名彥成湯字高密見帝王世紀按山海經以帝俊山林
爲舜林而帝俊生后稷郭璞注又以為摯得毋附會者因此兩
訛邢彥舟先生曰古書錯訛未可盡信推論俊與舜聲近○虞
幕爲舜所自出鄭語桓公爲司徒簡於史伯中云虞幕能聽協
風以成樂物生者韋弘嗣注虞幕者舜之後虞思也按虞幕爲
舜所自出史趙曰自幕至於瞽叟無違命舜重之以明德觀自
幕至叟及舜重之之語則非舜後明矣三國志韋昭字弘嗣吳
雲陽人晉史作曜避晉諱也○許由槐里人見莊子釋文何子
元云字武仲茂先謂司馬遷云無堯讓許由事楊子雲亦云誇

大者為之尚論曰舉為四岳而辭智按無據傳曰許大岳之後
許由亦棄官而隱者耳○臯陶字庭堅或引左傳臯陶庭堅不
祀忽諸竝稱則疑非一人臯陶一作咎繇鍾繇字元常取咎繇
陳謨彰厥有常之義世說庾翼謂鍾會曰何以望君遙之不至
蓋戲其父諱也今人讀由非○孤竹君姓墨名台見孔叢子注
伯夷名允一名元字公信叔齊名智字公達見論語疏正義引
春秋少陽篇或曰姓墨胎氏或曰其父名初字子朝姓纂墨氏
卽墨胎音看孟奇曰國名記墨台卽禹之師一曰墨怡孔叢子
注孤竹又有子名伯遼陳繼儒撰逸民史而不能詳夷齊名氏
故為補之智按地道記孤竹枉肥如南秦為離支漢為令支齊

桓曾至其地今山海關北十里有孤竹君墓凡此皆附會原當
彷彿聽之後周遼西人怡峯云本姓默台○子產一名美見左
傳注或云字子美宋人詩話言人譏東坡詩用子美不知正詩
子產○易牙名巫見孔穎達左傳疏何子元云名亞則牙之轉
音也巫又亞之訛古牙與互通或音之訛揚子作狄牙不能齊
不齊之口卽易牙也○文種字子禽見吳越春秋呂覽注云文
種字禽楚鄆人○孟軻字子輿又字子居見漢書竝孔叢子又
聖證論字子居會參字子輿參當音參來之驂今讀為森子居
或是車訛車因輿訛○孟子父母子孟孫激公宣母姓仇
妻姓由智按古掌字作爪有及爪為爪之說玉篇續考與字彙

皆作仇皆因梁四公子之仇啓也晉有琅琊堂同前涼堂據○
陳仲子字子終見皇甫謐高士傳○失馬塞翁姓李見高谷詩
序此寓言也而後人實之○莊子字子休見列子注成元英疏
○杜康字仲寧見魏武短歌行注○西陽襍俎吳剛李賀詩作
吳質○叔孫敖名饒費補之云得延熹碑封潘鄉今固始也歐
陽公集古表之○漢太公名熾又名煜後漢書注高祖父名熾
皇甫士安曰名煜字執嘉元美引作名嵩馬永卿曰唐宰相世
系表叙劉氏所自出言從大梁從沛生仁號豐公生懦字執嘉
郎太公懦音湍○項伯名纏字伯見漢書注○孔叅郎叢字表
有蓼夷侯孔叅以執盾前元年從起碣師古曰前元年謂初起

之年胡亥元年也此郎史記所謂孔將軍居左者○叔孫通名
何見楚漢春秋○曹參字子敬見博物志史記注參字敬伯參
以敬言故音駮益知曾參之名以參與音駮○丁公名固見楚
漢春秋○申公名培見史記注○轅乘崔廓朱暉周述高士傳
東園公姓轅名乘字宣明或云姓國姓庚姓韋夏黃公崔廓字
少通或云名郎綺里李朱暉字文季或云吳實字子景角里先
生周述字元道或云字道元又按東觀餘論園作園匡繆正俗
有園稱陳留風俗傳云自序園公之後為秦博士避地南山惠
帝以為司徒今得漢石刻有云園公神座綺里季神坐姓字書
多以園為園公之後周密以引留侯世家注東園公姓唐又言

太伯之後周述字無道元死相迫也玄元相近而唐人避諱以
玄爲元通考所云姓庚唐之訛也姓韋乃袁之訛也崔廓之之
訛也又按周密引元道作无道而今本史記注皆作元道又索
隱引陳留志園公姓唐字宣明夏黃公姓崔名廣字少通角里
先生姓周名術字元道京師號曰霸上先生孔文秘記作祿里
皆王勃據崔氏周氏譜及陶潛四八月而爲此說○壺關三老
茂姓令狐見荀悅漢記令狐氏譜引之○侯芭字輔子見論衡
○楊王孫名貴見西京雜記○伏生名勝字子賤見西漢碑蓋
祖伏羲與宓子賤字說家言宓慮非一字而古人借聲从矣○
侯輔葉少蘊云漢金鄉侯長君碑云諱成字伯盛防人當漢之

興濟太上皇千鴻溝謚安國君曾孫輔封明統侯光武中興玄
孫霸爲大司徒封於陵侯此漢書所不詳者智按從無輔字當
卽輔字耳○張夷陳心叔名疑曰東方朔本姓張氏父名夷字
少平一曰金氏朔母田氏生三日母亡鄰母拾之東方始明曰
東方朔見太平廣記○黃子廉黃潛筆記陶詩昔有黃子廉注
引黃蓋傳南陽太守子廉之後按黃香之孫守亮字子廉爲南
陽太守○梓潼文君名參成臯令任碑名胤東觀餘論曰文翁
孝生題名碑其郡望有云江陽寧蜀遂寧晉原以晉書志考之
江陽蜀置此郡寧蜀遂寧晉原皆是宣武平蜀後置周公禮殿
記云甲午年故附梓潼文君不審文君之名予云華陽國志載

文參字子奇梓潼人平帝用爲益州太守記中文君乃此人也
甲午乃光武建武十年云且如漢成臯令任碑云字伯嗣又論
水經與漢碑刻不同者多如王純碑道元注云王紆碑又州輔
碑道元注云周苞如表良碑道元注云袁梁又爲蜀國都尉王
君碑道元注云蜀都太守姓王字子雅又按文翁名黨字仲翁
晁張崇文歷代小誌○許靖爲子將從兄危言曰真語謂蜀司
徒許靖字文体是長史六世族祖徵士邵字子將是五世族祖
尤諱按子將干文体爲從兄俱知名竝有人倫之稱而私情不
協子將爲郡功曹排擯不得齒叙以馬磨自給今注似靖與邵
父子旬也黃長睿欲引以證黃庭之誤邪○曹瞞一名吉利通

鑑許攸呼操曰某甲三省注操一名吉利○曹黠三國志注裴
松之曰一狗憑默作疽囊按陸魯望小名記作一狗憑黠作疽
囊以今測之當以黠爲是○楚狂接輿名陸通見莊子注智按
列仙傳會索盧木實及蕪菁子隱峨嵋者尸子曰接輿耕于方地
卽黃城山楚詞曰接輿髡首聖賢冢墓記黃城山卽沮溺耕處
下有東流亦名苦菜山○臣瓚姓傳史記集解多引臣瓚裴駟
言臣瓚莫知姓氏索隱以爲傳瓚而劉孝標以爲干瓚穆天子
傳目錄云傳瓚爲校書郎輿荀勗同校定穆天子傳何法盛傳
于瓚不言有注漢書之事按文紀注臣瓚引祿秩令及茂陵書
姬并內官秩比二千石茂陵書祿秩令此二書亡失不得過江

明此當是晉中朝人當是傅瓚墨莊漫錄曰校書郎中傅瓚乃
荀公會和嶠所部校穆天子傳官屬也故取此傳以注漢書曰
臣瓚曾飯彥和亦云云可為確証○君苗姓應舊云君苗無姓
按應瑒有與從弟君苗書則應氏昆仲矣陸士龍與兄書曰君
苗見兄文欲燒筆硯○花卿名敬定見舊唐書元瑞以子美贈
花卿自是歌者○張遂郎僧一行見續博物志剡國公謹之孫
武功令檀之子族武則天出家嵩山至天台國清寺得算術玄
宗迎入光泰殿辭官出華嚴寺定大衍曆從幸新豐端坐而逝
年四十四謚大慧大師建塔銅人原始安張鳴鳳西遷注曰新
安西三十里關門鎮青龍山有薛敦禮一行大師塔銘為張曲

江公季子蓋唐有兩一行皆姓張此則沒于元和間○無名僧
是梁神闕宗殆山谷云後周以美官誘之誓七不可○東坡之
號蘇因白也洪邁曰白樂天在忠州有東坡種花二詩步東坡
詩子瞻自叙曰平生自覺出處老大粗似樂天非東坡之名偶
爾同也張和仲云東坡袒名序故作叙王介甫初字介卿父名
蓋故作蓋又曰老泉是子瞻號智按允明嘉祐集十數年前有
一老翁蒼頭白髮偃息泉上就之則隱而入于泉洵麓建亭而
為之銘眉州志老翁泉在驀頭山東二十里或允明時書其地
名而子瞻落款時亦偶書此地名耶○飯伍員之女子姓史陳
霆兩山墨談言吳越春秋瀨上擊綿女子發其飯漿與員投水

死女子無姓氏徐天祐亦無注今讀李太白貞女碑乃知女子
史姓漂陽黃山里人清英潔白事母純孝手柔荑而不龜其自
投時年三十矣自守未適唐時立祠其地云漂陽今名三塌蕩
云子胥報恩以金豆投之水涸時有得金豆者人用之即不利
○衛夫人名鑠字茂漪見翰墨志李矩妻充之母恒之從妹詳
書法條右軍師其法耳後遂偽作弟子王逸少之帖○綠珠姓
梁白州人見小傳今廣西志載之博白縣綠珠井在雙角山下
生女汲此水洗之

有姓名異音者○敷手舜姝史記正義親戚謂弟象妹顛手等
顛古果及人表作敷手舜妃女英作女營孟奇引說文畫螺舜
妹也史正義作顛又云繫畫始干螺故曰畫螺○女趨禹妃塗
山氏女生啓師古曰趨丘遙反○不窟奔之子也師古曰窟竹
出反曹參之子名窟注音張律反此一音也○慶誦嚮子曰湯
得慶誦伊尹湟里且東門虛南門蠕西門疵北門側七大夫人
表有慶節公劉子湯時人或曰卽誦毛見音怖又平聲上聲謀
也博雅曰誦諫也五燈有禧誦禪師曹操遣王誦拜孫策之求
將軍號○墮歎音頽哀○左哀二十一年有史黯音於咸切升
巷曰汲黯亦當讀平聲智以古每字四聲亦當有轉特不盡用
黯之平聲是古時之讀法或注者之方言重其聲則爲上聲何
必爭長孺之名字黯與闇暗俱通亮陰作諒闇康成讀鷓則闇

郎菴音古讀暗上聲今中原呼暗去聲凡如此類字者但當知其原委不在強從舊讀郎用之詩賦亦不必以古叶爲奇也咸亦有上聲淡咸宣郎減宣○檣机檣音稠升菴曰史記上有檣著下有伏龜徐廣音稠左傳檣戲淡書藝文志有公檣生師古檣直由切獨孟子檣机音濤杭蓋因陸德明九經釋音而誤也智按古蕭尤二韻相轉○寘音負周齊王子○諸盞音宙執之第三聲如西安整屋縣則第一聲也○狼曠音沈此侵韻轉上聲郎沈字亦可平可上○庚靄音止晉人○曹劌時師古曰郎曹欣時劌許其反各字書無劌惟龍龕書作劌脂切又未列此名○王子晉音擬隸作疑盛兒靈光賦芝栢攢羅以戢晉

晉西河王子晉籀作晉集韻作珩又音弋八切○轉注略戰國策人名有周最才勾切从日从取若最則从月也愚謂此亦後人好事○嫪毒音勞靄升菴引俗言姻嫪郎此嫪字趙氏言毒以此得聲當讀如友字戴氏讀如倒字說文从士因其謂人而臆說也○酈食其音歷異飢審食其趙食其皆然此蓋當時語○鍾離昧之莫活切投韓信者今多誤作昧○顛音外淡北平侯顛此郎說文聱與呂覽顛涿可以互推○晁錯音措史作鼂錯文中子作厓王海引隋志朝錯集三卷郎晁錯○僕黜之音黜之音丁葛反漢表有易侯僕黜○金曰碑封稅侯稅音姑日碑音密低後淡有馬日碑○李琴郎琴字音琴王莽掌牧大夫

春秋有費夸父○李催古岳反與郭汜同亂今或誤讀作催○
鍾迦鍾會誅原毓子迦宮爵如故裴松之曰迦物連及今韻書
皆失載○吳孫休創八字名其子靈音灣茵音近寔音航舜賢音莖莖音莖
舉寇音衰按豈疑是豈孫恂屋韻有詎注吳王孫休三子名
音祿此時潢派以五行相傳禮部書名皆以字配金木水火土
後世又增無數奇字矣○趙旼牧捷遣使建康獻雜書及敦煌
趙旼所撰甲寅元曆各字書不載旼字智謂郎斐魏書李業興
傳以世行趙旼歷節氣後辰下算从匪文作旼可証○郭曆音
反偷吞及姚秦時人善術數○公定說文曰人在山上也唐韻音
市連切輕舉兒見蕭梁紀有梁公定為下所殺北史有泉公西

魏上洛公○梁四公子傳一曰蜀闔音上音攜下二曰翫杰音上音入
音下三曰戮端音上音頤四曰仇啓音上音掌託名浣約可咲也○
曹紹夔劉餗隋唐嘉話曰曹紹夔沈之弼皆為大樂令監享御
史有怒干夔而襍扣鐘聲夔暗名之無誤者夔是夔訛○李陽
冰音佞以欠為冰之即凝之本去聲戴氏以為欠不成文故加
水當立凝字宣和書譜陽冰字少温趙郡人可知其名為冰○
干頓音迪唐山南節度○懶殘可平聲子元曰東坡次韻毛滂
芋火對懶殘懶字作蘭讀○柳玘問奇集音駢因廣韻也智按
說文玘步因切孫恂云又作蠙而蠙珠玘嬪有讀駢者以古真
先韻通也○李昇音升南唐主宋有都轉運使李昇興造西內

○劉夔劉銀夔音儼南洋主自取飛龍于天之意銀音啟降宋
○馮塋音坤宋名將朱氏古文奇字載塋古坤字○張湜音昊
清兒趙宋時有張湜字清源寧父人著雲谷雜記○万俟高音
墨其屑詢秦檜者唐有万俟著因万俟之部落而為姓北史有
万俟支派

有引古人訛或時代誤而證出之者○大師疵少師疆史記列
大師疵少師疆于師摯八人之後誤合兩事為一智又按史記
抱祭器歸周者即太師疵少師疆而尚書微子篇亦稱父師少
師故訛傳微子抱祭器歸周弋說曰商立微子周立伯邑考則
已矣微子去國最先不可以抱祭器歸周掩之以為全宗記者

非也今得此證最快○箕子名胥餘比于名胥餘見尸子莊注
司馬彪曰箕子名胥餘于莊本文不復耶○君陳為周公之次
子索隱云周公元子就封于魯次子留相王室代為周公按即
君陳○重黎為火正後或分合稱之而復以其名名之宋黃朝
英緝素襍記曰左傳以重為少皞氏叔黎為顓頊氏子則二人
也遷謂重黎為顓頊之曾孫是一人也按律曆志火正黎司地
幽通賦云犁醇耀于高辛皆其證也又許慎注淮南子云祝融
顓頊之孫老童之子吳回也一名犁為高辛氏火正一云老童
即卷章也按楚世家犁先祝融其後吳回代之則許慎誤矣智
謂古稱多同或先有二人名重黎或古重黎為官名或又因名

名之又按蘇子田古史云重出于少昊黎出于高陽當高陽文
世重黎實二人至帝嚳世火正兼稱重黎重黎誅而以吳回為
重黎然楚之先實黎而非重也又曆書曰顓頊受之乃命南正
重司天以屬神命火正黎司地以屬民是遷亦以為二人○共
和不一舊說為共平伯和伯或曰又有周召秉改一曰古有共
伯名和者厉王世之颺貝諸侯也諸侯皆往宗焉因以名其年謂
之共和凡十四年按汲冢紀年共伯和于王位故曰共和左傳
壬子朝奔走告于諸侯曰厉王戾虐万民弗忍居于玁諸侯失
位以間王政宣王有志而後郊官則厉宣之間諸侯有去其位
而代父為政者矣莊子曰共伯得辛丘者釋文云共伯在河內

共縣西魯連子云共伯後歸于國逍遙得意共山之首郡縣志
衛州共城縣本周共伯國共伯奉王子靖立為宣王共伯復歸
于國按正義以史記為二人者是莊子註司馬彪曰共伯名和
修餘言與魯連子同王伯厚主魯連子說而王元美疑之衛州
共城縣兩泮方有之魯連亦實書也○闕止字子我即宰我遷
不誤也宰我死難而曰與田常為亂則誤矣東坡言之京山詳
之○竇鳴犢舜華為二人此史世家所載家語曰殺竇犢鳴犢
及舜華索隱曰竇犢字鳴犢琴操與史同戰國策顏師古說二
人曰鳴犢竇犢說苑曰趙有鐸名竇犢舜華或作慶華通考但
云作鳴鐸作慶華按以鳴犢為字與犢甚叶索隱說是○古今

人表誤分士會范武子爲二人宋陳善捫虱新話曰范武子士會也而古今人表置士會于中上裂武子于上中名且未識能定其高下平法言曰昔者顏回嘗晞夫子矣正考父嘗晞尹吉甫矣公子奚斯嘗晞正考父矣此亦子雲之誤據正考父本非作頌之人而公子奚斯者又但作寢廟而已何所晞之有且後王文考魯靈光殿賦使云奚斯誦僖歌其路寢此又可咲然其誤已自子雲始智按此言人表之誤是矣後說子雲文考誤不當古人譜治豈必正考父作頌而後晞之乎又按人表兩士鞅一在上中一在中下同時不遠同名者或有然不著名之人又何取列之以此知其誤耳或曰人表是孟堅未竟業之書○匡

續字子孝隱廬山漢武封之改名匡廬此載志書吳曾引志字君平又皇輿考方輿勝略廣輿記皆作匡俗且有云字子希者萬姓統譜作匡裕唐類函亦作匡裕按字子孝則取似續之意當以續爲是俗乃音之訛希乃孝之訛裕乃俗之訛耳子孝兄弟七人隱廬周時人元瑞以匡俗子希在王筭匡俗子孝在匡廬又字君平又字公季此皆不悟前人之附會耳○朱龜朱虬漢隸朱龜碑升菴作侏龜音虬智考諸金石無作龜又碑文全在龜字伯靈可証龜茲音丘慈則古龜與丘通音也○田子春仁寶曰淵明詩聞有田子春節義爲士雄謂劉澤傳之田生也晉灼曰楚漢春秋曰生字子春後人乃附會田疇字子春智按

三國志疇字子泰各本皆然而李氏藏書以疇字子春詳陶擬古詩曰辭家夙嚴駕當往志無終問君今何行非商亦非戎聞有田子春節義為士雄斯人久已死鄉里習其風田疇乃無終人後八徐無山淵明所指正田疇也田疇重春故字子春陶去三國世近當確今監本承訛耳晉諱春故孫盛名晉陽秋○董無心漢藝文志儒家董無心一卷注稱難墨子歷朝載之宋吳秘嘗為注釋今其書不傳馬總意林引纏子云董無心者言終而謬益纏乃墨家貶董自尊也漁仲謂無心為墨氏弟子誤矣○書史誤載陳驚坐書史陳遵字孟公三為一千石封嘉威侯善篆隸又云杜陵陳遵西漢人善篆隸每書一坐皆驚時人謂

之陳驚坐又云五十六種書周法象書因素鱗躍舟所作又云漢成遊昆明池孝士陳遵所作不覺矢啖此緣唐張彥遠愛賓法書要錄而然也齊王僧虔錄竿欣采古來能書人名列之然止曰杜陵陳遵而不別列三為二千石之陳孟公則知羊欣張彥遠所載即真孟公一人也前書陳遵在游俠傳字孟公杜陵人善書與人尺牘人皆藏去以為榮韻會引為藏春而新都虞公嘗用之即此事也傳又曰有同遵名字者既而非是號為陳驚坐今以每書一坐皆驚謂之陳驚坐誤矣敬元豈不讀漢書邪或當時有小說而誤信之愛賓因之至鉅昌又載云漢成遊昆明亭士陳遵所作則陋甚矣漢安得有亭士之官名邪○陳

仲躬野客叢談陳寔仲弓碑字仲躬鄧艾碑作又古字通用石
經又用三德爲艾用三德是也洪氏謂借作弓正以古人通用
孟奇謂洪誤則必當改仲弓爲仲躬耶○有四世之字五世之
字六世之字孔平仲言王羲之子徽之徽之子楨之楨之子
元美以右軍子六世之字智按南史王悅之父靖之祖獻之乃
四世之字王裕之父茂之祖胡之裕之之子瓚之瓚之子秀之
此五世之字其六世者王彪之子臨之臨之子納之納之子准
之准之子輿之輿之子進之平仲固陋而元美亦誤○鑑誤以
蕭方等爲蕭方盧湯一爲盧鴻佛方等經蕭取爲名著三十國
春秋厚齋云綱目誤去等字盧鴻一取視雁者以爲鴻以爲乙

朋

而鑑誤去一字○蔡融來鵬長睿謂二人皆唐人見丹陽集元
瑞以二子皆晚唐人融集見通志略鵬集今尚傳丹陽集殷璠
所輯十八人皆高岑先後編次之時二子蓋未生也智按東觀
餘論作來耶或當時更見一丹陽集耶○虎溪三笑本不同時
白蓮結社亦不必一曰聚也楊鐵崖疑三笑智按宋樓鑰以吳
筠簡寂觀碑斷矣王禕曰晉義熙十二年丙辰遠公八十二卒
宋元徽五年丙辰陸修靜七十三卒相去六十載元嘉末陸來
廬山遠陶死二三十年安得三笑自長公作三笑圖贊而山谷
實之又考東林結蓮社在晉武太元十五年庚寅至義熙七年
辛亥生公入社宋景平元年癸亥周續之四十七卒元嘉二十

年癸未宗炳六十九卒戊子雷次宗六十三卒當結社歲續之
才十三炳才十四次宗四歲耳蓋總計也一曰佳話聽之可
禮三不諱雅音無避後世諱名太泥隔代猶避之謬矣○諱名
說曰郝京山云秦皇名政發正月之聲正言為端言漢高名邦
改國呂雉改野雞文帝名恒改常山景帝啓改微子閔武帝名
徹改蒯通之侯宣帝名詢改孫卿光武名秀改茂才明帝名莊
改老嚴鄭嚴鳩音名隆改隆盧為林盧安帝名慶改慶氏為賀
氏吳太子名和改禾興為嘉興晉文名昭改韶穆明君三國志
愍帝名業建業改建康簡文鄭后名阿春春秋改陽秋富春改
富陽田子春為子秦梁武名阿練呼練為絹隋煬名廣之陵為

江都唐高祖名虎之賁虎林改或避太宗改世為代民為人民
部為戶部高宗名治改理代宗名豫之章改鍾陵宋英宗名曙
暮預改為山藥唐德宗名适枯州改處州石晉敬瑭拆敬為文
氏苟氏孝元后父名禁改禁中為省中劉安父名長淮南書長
改修遷史改談為同李翱祖父名楚金改今為茲晉世子毗毗
陵改晉陵錢鏐改石榴為金櫻劉氏改金氏楊行密時呼密為
蜂糖賈曾以父名至中不拜中書舍人李賀父名晉肅元稹譏
之不赴進士柳公綽以祖諱不拜禮計尚書李涵為太子少傅
呂滑劾其不避父名劉溫叟以父諱嶽不聽絲竹桓氏以王忱
呼溫酒流涕嗚咽劉道隆索鳳毛謝超宗徒跣還內由是論之

當法孔子二名不偏諱言微不言在是也孔安國鄭氏曰讀書言其音母有所諱文王名昌詩雖曰克昌厥後書曰使羞其而邦其昌周禮曰昌本之俎或王名發詩噫嘻曰駿發爾私商頌曰發成王名誦而崧高曰吉甫作誦厉王名胡而宣王詩曰胡不相畏胡為虬蜴后稷名棄書大誥曰弗棄基莊公名同而書同盟僖公名申而書戊申定公名宋而書宋仲幾孔子父叔梁紇而書臧孫紇獻或廢二山而具教亦錯見左傳也詩書不諱臨文不諱廟中不諱卒哭乃諱如子滿之不當臨哭呼滅周人不得斥言文王昌或王發耳

通雅卷之二十終

通雅卷之二十一

桐山方以智密之輯著

同里姚文燮經三較訂

姓名同姓名

同時及異代同姓名○湘東王有同姓名錄如顏回為羌帥會參為市人平原哭墮井之毛遂翟公疑秋胡不許婚是也危言列之兩韓信俱高時一楚王一韓王智按史通言名信都又誤矣三召平一故秦東陵侯一為陳王上柱國一齊相按為陳王柱國謂為陳勝狗廣陵者見項籍傳齊王相見齊哀王傳恐東陵侯郎陳封者秦兩王悛俱或帝時自王翦父子外少微侯矣不宖有東陵侯一浩侯一大行謀誘北軍者兩王臧或帝朝一郎中令二季自

殺一六季為太常兩王高俱成帝外戚一丞相樂昌侯一成都
侯兩王帝俱哀帝時一建平三季為右將軍一四季為京兆直
言苑兩王崇俱平帝時一丞相嘉子一大司空扶平侯兩王莽
一見霍光傳崇預時見賀無黨疏用之魏兩王烈一字彥方化
盜一有道術謂嵇康不遇者兩王渾一戎父一濟父兩王澄一
濟第一戎從弟兩孫秀一吳降將一趙王倫嬖臣俱驃騎封侯
兩周撫一王敦將一彭城內史誅梁兩王琳一散騎常侍一德
州刺史唐兩李光進俱代宗朝一為光弼第一為光顏兄俱蕃
將賜姓為節度封公兩季繼昭俱昭宗時一為孫德昭一為符
道昭俱賜姓名降朱梁為使相宋兩王著俱太祖時一以文季

朝

典制一以書學待詔又曰兩慶忌一王僚子一夫差將智按山澤鬼善
走曰慶忌呼其名可使千里徑報故人取名兩莊躋一莊王時盜一莊王裔孫平演
兩王鳳一元后父一為夏始成國上公兩王譚一宣春侯一平
阿侯兩徐幹一作中論一班超司馬智按張懷瓘載徐幹字伯
之蘇班皆為張伯英所稱歎晉兩劉毅一光祿大夫一衛將軍兩張禹一丞
相一太傅俱封侯兩解系一見陶璜傳一自有傳兩王愷一戎
帝舅一安帝時為丹陽尹兩蕭鈞一蕭齊子一蕭瑀從子元兩
伯顏一太傅淮陽王一大丞相秦王兩張昌宗一高宗初季士
一則天時兩王方慶一則天時相一領尚藥奉御若異代同姓
名者兩王蕭一曹魏一元魏兩王彥章一梁將一吳統軍兩王

溥一唐懿宗朝一周世宗相兩李通一漢一魏兩王孫賈一魏
大夫一齊大夫兩徐邈一魏字景山一晉字仙民兩張遼一魏
一漢兩江革一漢一晉三李密一蒼袒母一後魏一隋末又不
杜此例則元瑞所彙有八李祐六李福四李晟李紳豈止兩副
座頭俱李益邪元瑞曰三孫子三鄒子世所共知又有不得不
辯者二孔甲一黃帝史一仲尼孫俱著書名盤孟一載藝文志
二牟融一漢大尉一布衣俱書曰牟子一載隋藝文志一附孔叢子
子不傳而弘明集之牟子傳遂以釋之牟子傳儒之牟子矣又
夏帝名孔甲而唐詩人有牟融充奇孔叢之盤孟疑崇文目誤
而弘明之牟兩嚴遵一君平一子陵皆易姓君平一名尊一名
子余疑為偽兩樊崇俱賊帥一赤眉一尤耒兩李畜俱賊將一
為或相慕或
附曾而訛

屬王郎一屬公孫宋兩李定一彈蘇子美一彈子瞻李定知蘇
子語兩韓文公一昌黎一南唐熙載兩少室山人一李筌一李
渤兩呂東萊袒居仁孫伯恭俱以東萊名集兩石林居士一吳
縣人仗執政見宋史一松江人官至尚書見一統志皆名夢得
陸文裕外集載之此兩李商隱一玄宗朝見舊唐書一義山兩
亦漢之兩杜子夏也李袍真一抱王第一李匡威寮屬兩李克寧一李澄子一克用
弟兩李伯禽一太白子一見通幽記智按此類甚多如史記兩
淳于髡一見孟子傳後一見滑稽三國志兩王雙蜀斬王雙而
吳亦斬其將王雙必二人也陶弘景刀劍錄有三雙與曹真換
刀王胡皆未載然胡所編為功亦洪洲全搜依然有漏惟取

全史作通編始成全書今時撮其要者以便觀覽耳向問甬東

有同姓名錄萬曆問人又南昌宗侯 有同姓名錄十卷專

門韓此廣昌劉大千作古今代譜亦集之須資其本再考焉

七修類藁言漢高帝有謂者貢禹或帝時王褒朱買臣元帝時

有尚書左僕射王褒或昌太守朱買臣智又按梁元帝遺朱買

臣嘗以揚何弟子之京房宣帝時公孫康所遣之張敞狂度最易

混目近見人論賈充之父通經漢臘之人非譏則以兩賈達兩

陳咸為一矣達一漢人一魏人咸一相人諸公摘辯大有益于

學者元瑞言五王褒而漢有三一字子淵或帝時人上得賢臣

頌者一字子澄或帝時人得道治王屋山與郊祀志之王褒為

三又後周王褒字子淵唐避諱改子深智按郊祀志者即五行

志之天帝使我居此者以上得賢臣頌之王褒為或帝時則非

矣褒傳魏相奏知音趙定龔德等利益州王襄乃請子淵作中

和樂章乃徵之此宣帝時人元瑞又言三王建一晚唐詩人一

晉隸州刺史前漢表元延元季有廣陵太守王建為京兆尹友

見唐餘紀遺之而路史言有十餘可見淹老一事須暇豫彊識藏書最富

乃能勝任耳路史曰昔聞唐堯虞舜矣梁史又有虞舜官丞太

常薦明堂之議而漢受有唐堯為臨或長堯舜而可名哉予既

述祝融共工帝魁青陽高陽渾敦夏后啓高湯有巢豕韋之不

同矣如劉弘王褒皆有十一張良有九而張敞王吉皆有八士

白相鞅壽夢臣越書才四代載兩伯夷而論語有兩南宮适王

義之仕苻健張華之佐慕容德皆其類也蕭繹陸善終俱著同
姓名錄然特不能包刺請誦其涉史曰古有庸成氏而黃帝臣
亦曰庸成伏羲曰蒼身而天雷之吏亦曰蒼牙羲臣曰巫咸而
禾父高家帝臣曰朱宣而為唐刺濮離婁事黃帝則論彼商臣
張若事黃帝則指夫秦士趙隱仕高國而巫舉魏賢馮夷友費
昌而竟談河伯觀叔均而思稷子山海經商均曰叔均見習明而思齊臣
贊風后而為軒師禹時有風后疑伍胥為楚族黃帝臣有伍胥謂赤松為火
帝諸侯王初平亦號赤松季連為柳惠等伍陸終之子曰季連又季克之子亦名仲衍為
戲之弟紂兄亦曰仲衍孔甲為孔子之孫孔子八世孫名鮒帝嚳之臣有窮之
君俱曰羿以射名少昊之子魯國之士皆曰般以巧著虞仲之

孫實曰虞仲蔡昭侯申實蔡文侯申曾孫之子也漢趙王如意
而廣宗又名之唐義成曰琮矣而奉天又名之鬱林曰恪矣而
建王又名之此何為邪晉王氏一譜有兩渾昶子昶父兩愷一字茂
君兩綏愉子兩入緒父兩澄濟弟兩處仲一激字兩安期湛子
天兩綏戎子兩入衍父兩澄衍弟兩處仲湛字兩安期湛子
宣惟他族慕用而無識哉智按所云兩渾之類非矣晉書昶子
渾字玄冲太原晉陽人渾矣湛字字處冲非處仲也王濬冲父
渾乃瑯琊臨沂人澄字平子而王玄冲之弟亦名澄鳥得謂大
原王瑯琊王為一族乎其曰漢唐堯為臨或長者亦誤按後漢
書和帝紀舊南海獻龍眼荔枝以臨或長者亦誤按後漢
注云堯得報即棄宮還家今乃以堯為堯注止引范志范乃據

後漢書羅偶見本訛耳且堯舜為名甚多不足異也漢趙堯趙禹張禹絮舜又永光元季大司農堯元延元季護軍都尉甄舜綏和二季執金吾謝堯為大鴻臚宋制科題有堯舜禹湯所舉何如乃魏相引高帝時言宮中謁者趙堯舉春李舜舉夏倪湯舉秋貢禹舉冬各職天子所服也如此類可盡數邪又按有同名稱不必實同姓名者有四孔子朱張揚震劉現迦葉三顏子孔融王憲兒童四曾子漢成都張霜號張曾子北朝南昌滕曇恭號滕曾子平棘李士謙其伯父揚曰吾曾子唐桐廬陳京曰如曾子孟子字子輿曾子亦字子輿孔伋字子思秦人燕級亦字子思級亦從學聖門如是者亦不可勝數

兩羿○一弒夏后者一堯時射落鳥者見天問注或以琴譜之羿為三蓋卽有窮也說文引弩善射按其辭曰羿射日落九鳥以羿射為句一日而落九鳥非射日也後人誤讀耳

扁鵲秦少齊○成式笑任道昇呼扁鵲為扁後讀甄太言本州引曹憲音布典反乃信之又言扁鵲姓秦字越人扁縣郡屬渤海智按地志無扁縣而周禮釋文引史記姓秦名少齊越人此為近之然今史記無少齊二字其曰扁鵲者黃帝時有扁鵲而秦越人狂戰國時人號之為扁鵲今所傳雜經乃越人作非黃帝之扁鵲也託名耳宋雷敷作炮灸三卷亦非黃帝時之雷公漢志有黃帝扁鵲命附方隋志有雷公注神農本州四卷此乃

非戰國之越人宋之雷斅然必偽託者師古注人表輪邊卽輪扁扁音偏足知古皆平聲其作鵠者海篇之誤收也

兩士白○昭六年左傳齊侯如晉請伐北燕也士白相士鞅逆諸河禮也疏曰士白是范宣子卽士鞅之父也不應取其父同姓名人以為公董遇王肅本作王正為是王元規云古人質口不言身何妨為公按士文伯是士鞅之族亦名白今相范鞅卽文伯也魯仲嬰齊莊之孫卽公孫嬰齊之從祖鄭公孫段字子石而印段亦字子石古人自不為嫌

兩張祿○范曄入秦為張祿學者蓋不知秦先時自有張祿也初孟嘗君悅張祿先生秦之黃金文織祿辭不受謂孟嘗君曰

秦四塞國也遊宦者不得入焉願為吾為文尺之書寄我于秦王往而遇辛固君之人也往而不遇辛雖人求間謀固不遇矣子孟嘗君因為之書寄之秦王往而大遇考田文之率在范曄未入秦之先則張祿入秦居曄前矣曄入秦踵名張祿豈祿嘗有聞于諸侯秦特令曄冒其名以誑鄰國邪此筆來抄之西山墨談者

五公孫弘○一在齊為孟嘗君見秦昭王一在中山為參乘言司馬喜相求其一在越斷髮其一為泮平津侯其一明帝時幽州從事交通林之王英見虞延傳弘字次卿見鄒長倩書此平津

著書之張萬福不必或將五代之鄴炎集不必東漢之文勝也
○長睿譏崇文總目張萬福唐人有傳而云不詳何代人鄴炎
集當狂前謂爲字文勝者也按有三張萬福一德宗朝救陽城
人所共知者一與柳芳同時見酉陽雜俎第七卷以醫名一撰
五等朝儀見通志略乃道家者流又通志五代有鄴炎集後漢
亦有鄴炎集或五代時有同名者未可知也升菴以薛仁貴能
詩安知不更有一仁貴邪正與張鄴同類

兩智永○元美曰一梁書僧一宋畫僧按智永禪師右軍徽之
後安西成王諮議彥祖之孫廬陵王曹昱之子謝少卿之外孫
也與兄少賓俱出家當梁時歷陳閩隋李百餘乃終研北志云

智永本名法極但著心成頌其一無所爲而姑以筆簾游于天
地之間者乎宋智永見鄧椿公壽画繼成都僧也字文李蒙龍
圖請住院永辭曰永親在未能也當作瀟湘夜雨圖上邵西山

姓名鬼神

鍾馗一作鍾葵終葵○唐人題吳道子畫鍾馗曰明皇驪山還
宮不憚因疔夢大鬼制小鬼吳道子畫之熙寧五年上令画工
模榻錢版印賜兩府輔臣各一本是歲除夜遣入內供奉宮梁
楷就東西府給賜鍾馗之象觀此題似始于開元李石曰北史
堯暄本名鍾葵字辟邪于勁字鍾葵宋宗慤母妹名鍾葵按皇
祐中金陵上元縣發一塚有一石志乃宋征西將軍宗慤母鄭

夫人之墓漢大司農鄭眾女也懿有妹名鍾馗智以此卽李石所云宗懿妹懿懿字近也漢鄭眾相去遠或其會孫女乎後漢有李鍾馗隋將有喬鍾馗楊鍾馗然則鍾馗之名非起開元升菴引抒上鍾葵首鍾葵菜止證其有此諺語也元瑞曰六朝已有鍾馗後人附會作傳諸取名者皆以鬼神爲名也硯石鍾馗以其形耳周禮注齊人謂椎曰終葵

神荼一作荼與鬱雷鬱雷鬱律鬱律○山海經二神之荼鬱墨升菴引風俗通作鬱律陸法言韵墨音律神荼者神舒也沈休文曰鬱墨者屈律也又爲黠黠王克云鬱墨嶮嶮之類沈又作黠黠古文作宛律智按演繁露曰東海度朔山大桃二神一曰

荼與一曰鬱雷王楙作鬱檉引括地志曰度朔桃二神一名鬱一名檉鬱檉至屈律音轉隨人分合隨人書名耳唐人尚有屈律語紀事曰田八二十一果頭三屈律言黃巢也

釁殺讎鬼○東方朔罵鬼書有釁殺儻儻之名按卽果殺二字後人造此字以名鬼耳陳無功引作釁殺讎鬼或曰釁音拂

竈因一作竈圖○禊俎人影九重皆有名第七重曰竈因以其么小而幻故作因音

同祿謂吳同祿終也○吳會曰楚世家云顓頊生稱之生卷章童生重黎之爲高辛氏火正帝嚳命曰祝融芸工氏作亂帝嚳使重黎誅之不盡帝乃以庚寅日誅重黎而以其弟吳回爲重

黎後復居火正為祝融吳回生陸終之生子六人六曰季連楚
其後也可知祝融後為吳回陸終回祿合稱祿陸音通也故今
稱火災曰回祿

張僊乃孟祖○花萼夫人入宋宮懸故王蜀王挾彈圖于壁即
孟祖也藝祖誥焉夫人曰蜀祀張僊神令人有子蜀人劉希召
秋宮說蘇老泉時去子蜀近應知之

水神屬陰故曰天妃今以為林氏○天妃宮江淮間濱海多有
之其女子三人俗傳神姓林氏遂實以為靈素三女大虛之中
惟天為大地次之故天稱皇地稱后海次於地者宜稱妃耳蓋
所祀者海神也元用海運故其祀為重司馬溫公謂水陰類神

當為女子或云宋宣和中遣使高麗遭颶風賴神以免使者路
允迪言干朝始有祝一統志云天妃宋巡檢林愿女按宋時巡
檢今都撫類

馮夷河伯有多名○穆天子傳作無夷山海經作冰夷河圖言

姓呂名夷淮南作馮遲

音馮

金匱言名馮循元瑞曰竹書洛伯

用與河伯馮夷闢河伯自為諸侯而馮夷原諸侯姓名智又按
淮南馮夷大丙之御容齋隨筆曰此別一馮夷或諸侯同名于
寶言宋時弘農馮夷八月上庚溺死天帝署為河伯五行書曰
河伯庚辰日死不可治船遠行梁簡文帝船神記云船神馮耳
智按俗呼耳與以混故馮夷說馮耳河自神而名則附會也

梓童神張亞子一作亞子○其所注化書名掉始造弦張網羅
因以張為姓張仲事宣王幽王初以直諫賜死為雪山神尋為
趙王如意又生嫁張翁陷城邑救父母以殺多讎為邛池龍遇
釋迦脫罪又生西晉時跨白驢去又見姚萇按王氏見聞所載
陷河神張惡子事略類惟云雋州不言邛池北夢瑣言梓潼張
亞子神乃五丁拔蛇之所也一統志建炎以來景封

晏公為水神○元人尸解江楚祀之明封為平浪侯

揚回即王母○集仙傳言王母姓侯而西陽禰俎言王母姓楊
名回字婉妘按郭璞注爾雅以西王母在西山海經言虎齒有
尾曰西王母此謂外國之人耳穆天子傳西王母正如外國之

君長後乃附會以與東王公相對

麻姑兩說○建昌府志麻姑為王方平之妹而黃州志云麻姑
乃石勒麻秋之女魯公碑降枯蒼蔡經家建昌志又云降吳門
蔡經家此魯公筆神耳

城陽景王江左憤王江神子胥漢壽關帝水府屈子○庖言曰
古稱生為名臣歿為名神其最炳著者北土則城陽景王江左
項王神於吳興尤烈及江神伍員按景王即朱虛侯劉童平呂
氏亂封王二季而卒項羽捷吳興太守正衙為祠太守履任殺
車牛祭不然即死而臨汝侯蕭猷至每享神對飲神像亦色赭
嘗為猷破盜智又按南史蕭琛傳吳興名項羽為憤王琛遷之

于廟卒無恙云子胥有素車白馬驅江潮之異故祀為江神唐狄仁傑采訪江南盡毀諸淫祠獨留員及泰伯季札祠而移檄項王毀其廟按吳興項王碑陰有顏魯公題云西楚霸王秦末與叔梁避仇吳中蓋湖州也觀此題則顏公時廟尚在豈狄公既毀而湖人竟復之耶關壯繆侯羽至隋世于荊州王泉寺見靈跡至宋宗寧時帝勅天師張虛靖召關羽破蚩尤復鹽池見靈迹封崇寧真君永樂北征本雅失理經濶溱海幹難河勤銘禽巫山每見神前驅如關公其馬白凱還居民言有白馬大正陽門殿至暮汗出乃制崇祀五月十三祭萬曆四十二季遣司禮李恩捧旒袍封大帝水府廟為屈平大夫各處祀之

張天師陵之後也○正一嗣教大真人張氏始祖張陵與張角同法持九節杖為符祝病人叩頭思過以符水飲之為三符一著山上言天也一埋地一沈水曰三宮病者家出五斗米智按三國志裴注角事露至反族滅而陵在蜀僻傳子衡孫魯遂據蜀漢垂三十季曹操破之請降封侯傳國至唐宋間復世掌道教李膺蜀記云張陵避瘡丘社得咒鬼書遂解使鬼入鵠鳴山自稱天師漢熹平末為蟒蛇所噉子衡奔走尋屍無所乃假設權方以表靈化生縻霍跡置古崖頂光和二季遣信告曰正月七日天師昇玄都衡為係師魯為嗣師以遂惑天下李膺非元禮漢蓋有兩張衡兩李膺也而隋人有張衡南史又有子平張

據

衡亦字子平為漢刺史仙去道家因附會之

靈濟二真君○太宗嘗夢二神人言南處海濱來輔家國明日
禮官言閩中靈濟二真君事遂遣使函香請神像作官祀之英
宗初加封記稱南唐義祖之子知證封江王知諤封饒王按南
唐書知證後封魏王

真武帝君碧霞元君○武當岱嶽今最感重永樂建真武廟于
太和山幾竭府庫說大瑞及藩司守之而二廟歲入香銀亦以
萬計真武封號且百字蓋北方玄武神以避宋宣祖諱改真武
龜蛇表北方耳碧霞元君起于華山小石池冬夏不涸號玉女
洗頭盆因附會為王母七女訛而為泰山按神異經云西方大

荒中有聖人焉長丈腹圍九尺踐龜蛇載朱鳥然則後人于大
石中得龜蛇像歸之真武者疑卽此徵也若謂神農時有淨樂
國王皇后之說尤不經矣武當又有謝允仙事故名謝羅山甄
異記甚詳而酈善長謂為羅令續搜神記言謝允從武當山在
桓宣武坐言及左元敦為曹公致鱸事

老子名號○名耳字伯陽一名雅字伯宗一名志字伯光一名
石字孟公一名重字子文一名定字元陽一名元字百始一名
顯字元生一名德字伯文玄妙篇云初生時名玄祿其化生曰萬法天師曰
盤古先生有古大先生曰鬱華子曰大成子曰廣成子曰隨應
子曰赤精子曰錄圖子曰務成子曰尹壽子曰真行子曰錫則

子曰燮邑子曰裔成子曰經成子曰郭叔子曰河上公云三皇時曰玄中法師金闕帝君或云化為范蠡又云周成王時為守藏史昭王時過函谷關又降蜀青衣肆會尹喜同渡流沙穆王時復還中夏平王時復出關開化蘇鄰諸國還中夏秦時兩度散關蓋過函谷者一而出散關者三老子母曰玄妘玉女亦稱尹氏化胡經稱老子投淨妙夫人體為釋迦顧歡所舉者也又按前涼錄老子父名乾字元杲遷疑冊即太史儋班因以太史儋列中上與孟子同時而孔子時無冊

王喬不一○七修類稿曰漢明帝時葉令王喬乃飛鳥者周時王子喬乃吹笙者神仙傳蜀人王喬乃食肉芝者史記封禪書

注緱氏仙人庵王儵捷為成陽人凡四王喬元美載二元瑞載三王子喬即晉王非姓也又王喬有弟周益公跋大皋渡永興觀舊碑王仙諱子繇字大皋廬陵有王山王田村嘉福觀大皋度值夏市皆其迹也碑謂晉永嘉飛升而郡人葛道岷云漢三喬至晉永嘉二百餘季按湘東王古今同姓名錄有晉廬陵太守王喬仙其太守弟邪而大皋為渡略見南史乾通五季記羨門○司馬相如傳注羨門偈石山十仙人羨門高也問奇音延則此仙居羨道也

車子侯○漢成帝與奉車子侯登泰山封禪後暴卒奉車者官也子侯者小侯也霍去病之子仙傳因誤為車子侯曰扶風人

漢文帝稍遷其位至侍中一朝仙去其誤如此
洪崖有二○郭璞詩所稱者姓張或云黃帝之臣伶倫也又云
神農師堯時已三千歲矣漢武時入華山尋其叔之鄉真誥云
洪崖先生今為洞真其隱跡在豫章西山洪井在伏龍山宋人
畫跨白驃衣紅蕉葛衫從者五人曰橘栗木葛拙負六角扇垂
雲笑方木鐙二玄書此張蘊也筆叢以為唐張氲號洪崖子世
多以堯時之洪崖姓張亦猶金華之皇初平號赤松子而劉孝
標遂以金華赤松子為雨師也初平之兄初起亦改名魯般
罔象方相罔像仿像稍異○周禮方相氏掌逐疫鬼作罔像莊
子失元珠問罔象孔叢子水石之牲龍罔象又晉書載紀劉元

海傳仿像相符杜甫漢陂詩仿像識較人郝氏以為罔象即仿
象方相智按方相即俱頭也因彷彿罔象而名之荀子曰面如
蒙俱南史沈雲禎傳蒙不須轎車靈舫魃頭也孫恂收顛魃
而無俱蓋一字也恂偶遺耳成式曰傲一名蘇一曰狂阻一曰
觸墻費長房識李娥藥丸謂之方相腦

罔兩作方良罔窠罔闔罔魃魃魃○左傳螭魃罔兩通作方良
見禮注張衡東京賦軒委蛇腦方良淮南道應訓南遊午罔窠
史相如哀二世賤精罔闔而飛揚史孔子世家夔罔闔魯語作
罔兩家語作魃魃

商羊畢方橐蜚鷲水火之怪皆如鳥一足○尸子本之精為畢

方一作必方淮南注木精如鳥一足方朔所對卽此也見則邑
有譌火孔子言商竿一足何水火之怪皆一足邪橐悲亦如鳥
一足又山蕭鳥臨海志有獨足鳥聲如人將雨轉鳴是商竿也
唐韻曰鷲土精也似雁一足黃色薛綜注東京賦鮫蠃小兒鬼
畢方老父神如鳥一足銜火作災陳後主時一足鳥集殿以觚
畫地成文曰獨足上高臺盛艸變成灰

藻兼卽藻廉水木之精○見幽冥錄東方朔所言也唐陸贄集
異志拾遺記作藻棘各類書作藻廉

甲作睇胃雄伯騰蘭攬諸伯倚疆梁袒明委隨錯斲窮奇騰根
十二皆儻神○後漢禮儀志逐疫中黃門倡偃子和曰田作食

殛睇曹食虎雄伯食魅騰蘭食不祥攬諸食咎伯倚食夢疆梁
袒明其食磔死寄生委隨食觀錯斲食巨窮奇騰根共食蠹按
跋安節樂府雜錄曰甲作食凶者睇曹食夢者騰蘭食不祥者
攬諸食名者袒盟強梁食其磔死寄生者桃根食虎者與柯古
所引字亦微異

俗阿屋東北方鬼○莊子倍阿魍魎林慮齊云云道函作突塔
堪坯一作堪厓魍魎卽白澤之後龍

村留橋柱像也○水經注馮翊石柱橋北首墨石水中舊有村
留神像此神與魯班語曰我貌穉醜鄉善圖物容我不出班拱
手令出頭以脚畫地置其像于水惟背以上大水董卓後焚

此橋魏夏修之村留之像曹公騎馬見之驚定州張平子事與此同三齊略記載始皇巧人以脚畫石塘相見之海神之怒負約可知附會

灑灑皆漸○張續宣室志曰裴漸隱伊上李道士曰當今制鬼無如漸耳時朝士書灑字門成式曰元日書門息瘴辟邪符尾初灑搜真玉鏡作灑積斬二者禪讀你平聲博物志漢舊史儺太桃人葦索滄耳虎等灑蓋滄耳也

諾皋太陰神也○段成式云唐來言諾皋太陰將星神名有諾皋記甲子曰神曰弓陰入水呼之不溺甲戌神名執明入火呼之不燒日名張表月名文由雷公江赫冲電母秀文英風伯方

道彰兩師陳華天俱見道經藝苑危言載之此定臆造其字亦

多造者如曰鼉生丙戌日鬼也天陪乙卯也耳述戊午也遼壬戌也迤辛丑也

地其左也酉天進丙辰也赫辛卯也髮廷廷酉也挺張丙午也智謂呼皋

復而應諾故取以為陰神之名

青女○淮南曰秋三曰青女乃出降霜雪高誘曰青腰玉女生霜雪染昭明曰青女司寒杜詩飛霜任青女翟公異詩青女霜如失黃人日故遲王道俊曰玉曆祥異賦云外國之入頁也若黃人守曰而立

郭禪竈神○見後漢陰就傳無功引之智按其祖陰子方以黃竿祀竈章懷注竈神名禪字子郭不言姓郭杭州刻本州作陰

子萬悞矣元瑞云竈神姓張名單字子郭天人字卿忌一曰竈神名壤子廣濟曆曰伏龍莊子竈有髻

僕臺兩山之間鬼○如小兒諸葛恪引去故地卽死

糞而述○秦文公時獵得獸若玃二童子曰此名糞而述糞而述亦曰二童子名寶鷄得雄者王得雌者霸

巫支祈水神○岳瀆經言禹導淮獲巫支祈似猴李肇曰楚人得古鉄鎖青猴卽山海之無支奇陳水南言泗州龜山寺井鎖水母卽母支祈弘治十六七年有水怪曰趕浪曰神水殆卽此羽家金永之子○見歸藏啓筮淮南作羽嘉
率一作宰○直翁引莊山有宰智謂以率安名而訛

夔魑獮狂耗鬼惡鬼也○井泉魁捎夔魑而扶獮狂魑音虛獮音橘

犂醜小人國之靈鬼也○山海經小人國有神人面獸身曰犂醜之尸道巫有离鬻道昭載觀觀

黔盭造化神名○遠遊曰召黔盭而見之兮爲余先平路白澤云陰陽變化之精曰岱委執虞賤用黔雷

疑盭之訛

大沈从湫河神也○秦惠王祀巫咸从湫亞馳所謂詛楚三文也从與故通

苑窳贅神也○見漢舊儀婦人寓氏公主凡二人曰公主尊稱之也

語忘敬遺主婦產○柯古曰婦產呼之不害二鬼長三寸三分上下鳥衣

折丹山海經神名○術士呼東風符用之相傳日本有此法梵書有真丹徐鍔四六龍持貝葉亟傳摩竭之城象負蓮花遂滿真丹之境摩竭魚莊飾門柱也真丹震旦也古聖帝時通荒外之事安知折丹非真丹之語存疑

俞兒即蛟蛇○管子言俞兒見者霸御覽引俞而莊子王子敖嘗齊桓以委蛇即此事博物志澤有委蛇短轂長轅見者霸特易其名耳詳見諫語

鳧○無功引山海經女和月母國有人曰鳧按胡文煥百家名

書本作鳧郭璞音婉

游光伯強皆厲鬼○風俗通以游光為厲鬼名魏志諺語曰李豐兄弟如游光向不得解觀此使知天問伯強大厲鬼也疑即伯倚強梁二名為一

靈露非畫屏駸宋裴異解○淮南子季春三月豐隆乃出雷師也應邵曰雲師韻會作靈露隆水經作封隆西京雜記雲師曰屏翳呂覽曰屏翳雨師蓋雲興即雨也古師與帥通轉乃一字後人分之耳風俗曰雨師為玄冥風伯為蜚廉即飛廉元美引孟婆風姊河圖書曰大伯下為雨師熒惑下為風伯道田開山圖有宋裴即雨師二字

項天竺笙依倚後帝阜皆廁鬼○襍俎曰項天竺廁鬼也一名
笙白澤圖曰故溷之精曰阜如女持鏡呼之使人知媿又曰廁
精名依倚異苑曰廁精曰後帝陶侃嘗見之

曰蛟曰夔曰揮曰金累皆山精也○抱朴子曰山精如小女曰
蛟呼之即不敢犯一曰起空又曰山精如鼓一足曰揮又衣裘

帶笑名曰金累如龍曰飛龍玄中記山精食三蟹千歲蟾蜍食

之白澤圖曰山精名夔百歲狼化女曰知火精曰必方按即木

精曰撞侯即異苑陸敬叔木中虫曰賈與地下金之精曰蒼如

豚使人不宜妻水之精曰罔極象如小兒赤色可烹故門之精
名野如朱儒見人則拜呼之宜飲食故宅之精名揮文又曰兩

貴故廢墓之精曰元如老役夫又名狼鬼又有山冕如蛇兩頭

呼之可使取金銀故道徑之精名忌呼之不迷澤鬼曰慶忌遊

之精名作噐故池之精名意又名髡頓井之精名觀按襍俎曰

故市精曰毛門室精曰傒龍堂下被髮曰溝顧愷啓蒙記曰玉

精曰委如女青衣桃戟刺之可得元中記曰王精為白虎金精

為車馬銅精為僮奴鉛精為老婦柯古載蛇鬼曰側石圭一名

塵馬鬼名賜衣服鬼名甚遠例即刺

天孫召魂○博物志曰援神契云五岳之神堅四瀆之神仁太

山天帝孫也主召人魂白虎通曰軫星逐鬼張星拘魂東升還

魂也王子季曰融息山上有馮魂即返魂也雅川有太乙召魂

魄丹卒死三日折齒門一九卽活

靈笈七籤與龍魚河圖諸神名皆臆造也○黃庭內經曰髮神
蒼華字太元腦神精根字泥丸眼神明上字英元鼻神王壘字
靈堅耳神空閑字幽田舌神通金字正倫齒神皓鋒字羅干心
神丹元字守靈牙神皓華字虛成肝神龍烟字含明腎神元冥
字育嬰脾神嘗柱字魂停膽神龍曜字威明龍與河圖曰髮神
壽長耳神嬌女目神珠映鼻神勇盧齒神丹朱夜卧當呼之藏
經心虫名班駁七籤曰司命曰發紐目神曰虛監舌神曰始梁
九關魂名曰綠道河圖又曰泰山圓常龍衡山丹靈峙華山浩
鬱狩恒山登僊嵩山壽逸羣泰山將軍唐臣衡山將軍朱丹華

山將鄒尚恒山將莫惠嵩山將石元東海馮修夫人朱隱城南
海視赤夫人翳逸窅西海勾太丘夫人靈素簡北海禹帳里
夫人結連趙汲冢曰蓐收居以山而太公金匱所言四海之神
卽祝融玄冥五帝也注疏引東方靈威仰南方赤熛怒中央念
樞紐西方白招矩北方叶光紀典略曰虛主刀名大房勞惑主
矢名防隍角主弓名曲張作典張者誤張主弩名遠望參主戟名大
將戰時細祝之或以五曰作赤靈符著心前或丙午月作龍虎
三囊符太公又載力神脫光箭神續長矛神跌蹠河圖曰斧神
狂章春秋佐助期之司弓弩神曰推止水經注云皋通神人能
治弓弩類山載鏡神紫珍筆神飄阿佐助期又云麥神福集黍

神侖佐蘭郝豆神靈趙姓藥無功作靈殖湧幢小品云善睡之神曰空楸

三彭三姑三尺猶三喪三毒也庚申表西殺也○酉陽雜俎上尸青姑伐人眼中尸白姑伐人五臟下尸血姑伐人胃命凡庚申曰三尸言人過王函秘典上尸彭瑀小名阿呵中尸彭瓊小名作子下尸彭璠小名季細守尸之鬼曰破射元科三尸甲寅遊手剪手爪甲午遊足剪足甲藏經言三喪兩鼠之類也柳宗元有罵尸喪文皮曰休白樂天皆守庚申許渾詩李長每勞推甲子夜長初共守庚申道士程紫霄曰任汝三彭說是非皮白何惑乎文人滑稽自娛耳

終

通雅卷之二十二

桐山方以智密之輯著

同里姚文燮經三較訂

官制仕進

辟舉猶古之興眊也○宰夫書其能者與其良者以告于上卿大夫三季則大比攷其德行道藝而興賢者能者禮賓之遂大夫大比師其吏而興眊鄭司農曰興賢若今舉孝廉興能若今舉茂才也漢高帝詔其有意稱明德者必身勸為之駕遣詣相國書行義李文帝二季舉賢良方正直言極諫者文帝建元亦舉丞相綰奏罷之昭宣元成皆舉賢良直言茂材異等後漢每

因日食災異或初卽位輒詔舉士而考第力田自高祖舉爲三老惠帝舉者復其身高后元季初置孝弟力田二千石者一人文帝十二季以戶口率置三老孝弟力田常員文帝嘗遣存問賜帛元符六季舉獨行君子詣行在所元光元季初令郡國舉孝廉各一人又舉有道至孝延平中舉隱士建初辟士四科一德行二學通三明法四多略公府亦以此辟士光祿四行卽以此第其卽從官也魏州郡皆置中正以選舉劉毅言其弊晉太始舉賢良方正直言又舉異行其秀孝則策試之階詔以志行修謹清平幹濟二科舉人唐賢良方正直言皆制舉試之中者稱及第貞觀十七季舉孝廉茂才異能開元設直言極諫科其

舉選不由館學者謂之鄉貢州縣試已至省疏名結款通保由戶部集闕而關于考功試之開元寶應貞元皆舉孝弟力田家範德三科亦舉賢良經學吏理然皆吏部試策論三道開寶舉孝弟德業嘉祐舉行是隆興舉逸民廉吏世降化薄辟舉亦屬寅緣特異亦藏詭偽瑣闡執簿猶呼盧耳所教非所用矣偃風勉善自得其真蘇軾曰舉孝廉則勇者割股怯者廬墓此文人之偏詞欲造舟而先憂溺人耶科目里選並行而徵聘間舉總在君相類物情而鼓舞之胡瑗分齋教學安石積驗法有寔行者乎周宣幹欲罷三十季科舉痛其積習也末世治以例而教學不講卽使破格徒爲奸資誠使取士先以文學但優而不用

必德行特聞始行辟舉得為吏如此則士益其修文行兩取廢
干資格少差耳

漢有甲乙丙科射策者以應令為中○蕭望之以射策甲科為
卽注師古曰謂為難問疑義書于策量為大小書甲乙之科列
而置之不使彰顯有欲射者隨其所取得而釋之以知優劣射
之言投射也對策者顯問以政事觀其文辭定高下也匡衡以
射策甲科不應令除為太常掌故褚先生曰數射策不中至九
中丙科兒寬以射策為掌故馬宮翟方進何武王嘉竝以射策
甲科為郎房鳳以射策乙科為太子掌故召信臣以明經甲科
為郎儒林傳平帝時歲課甲科四十人為郎中乙科二十人為

太子舍人丙科四十人補文學掌故光武時顏氏博士缺試策
第一拜博士永元十四季徐防疏博士及甲乙策試宜從其家
章句開五十難以試之論語不宜射策詔從防言李巡以為博
士試甲乙科爭第畜下夏相告言乃刻石經爭者用息順帝陽
嘉元季增甲乙科員由師古注論之今嘗以射策為對策者非
矣余以為量為大小列而置之隨人欲射之說恐未必然或似
今出題試法耳撫言且言題于几上令士人以矢投之此說尤
非

唐有六科二科九科四科○六典載六科一曰秀才二曰明經
三曰進士四曰明法五曰書六曰算試秀才置進士科始于隋

至唐初秀才最高貞觀中有舉而不第者坐其州長由是廢絕
士族趨向惟明經進士二科而進士為尤重帖經友試雜文則
調露二季從劉思大之請也顯慶五季詔五品以上四科舉人
一德行二經史三詞藻四廉直肅宗乾元御宣政殿試四科舉
人宣宗大中十季奏見置科目開元禮三禮三傳三史學究道
學明法書算童子等九科通典曰明經雖有甲乙丙丁四科進
士有甲乙二科自武德以來明經惟有丁第進士惟乙科而已
進士試詩賦時務策五道帖一大經全通為甲第策通四帖過
以上為乙第及第綴行通名詣主司謝乃叙齒赴期集又有曲
江會題名席紅綾餅餚所謂衣骨皆香李贊皇言臣祖登第後

家不置文選朝廷官須公卿子弟以少習其業自熟朝廷事也
當國時奏設科取士而附黨皆公自為門生自今一見有司而
止其期集參謁曲江題名皆罷其曰別頭試者唐禮部侍郎親
故移試考功謂之別頭貞元十六季高郢奏罷之變曰帖紙令
論一經義為帖括

宋乾德置三科太平興國八科景德六科天聖十科紹興復元
祐十科又定兩科○乾德二季詔置制舉三科一曰賢良方正
二曰經學優深三曰詳閑文理開寶六季御講武殿覆試進士
宋準等御試舉人自此始以詩賦取士自開寶六季至嘉祐八
季凡三十六舉興國二季御殿覆試禮部合格八科舉人得九

經一人開寶通禮四人三禮八十人三傳五十三人三史三人
學究四十一人明法十四人凡百九十六人行賜本科及第其
九經五經七人不合格亦賜同三傳出身唐進士每歲三十人
咸亨上元增七八十人尋亦復故比興國幾五百人又未命官
而賜綠袍鞞笏淳化三季加論一道以三題為準又詔律賍依
平仄用韻殿試糊名祥符四季晁迥定禮部貢院條制上發解
進士條制天聖元季定科場條貫景德復六科賢良博經才識
吏理鞞畧邊寄等科也天聖十科加書判拔萃科又置高蹈丘
園沉淪艸澤茂材異等其十科也并許白衣舉人紹興二季以
朱勝非請復元祐十科乃司馬光所請者十五季分經賍為二

科進士賜御詩袍笏聞喜宴自興國二季始唱名自雍熙二季
始廷賜袍笏自祥符元季始糊名始淳化而諸州糊名自明道
二季始易書大十祥符而諸州易名自景祐四季始廷試不點
始于嘉祐二季三歲一舉始于治平四季宋經義詞賍更為廢
興已合為一又分為二溫公盡變安石法惟經義取士不變甚
是紹聖初季令進士純用經義而改置宏詞一科于進士登科
後試之取不過教人即今之館選也元仁宗始從李孟之請制
三歲一開科八月郡縣鄉試明季二月會試中者策之于廷賜
及第出身有差即今制也但彼以蒙古色目為右漢人南人為
左各命題耳

登名上聞也○史記周紀王曰維天建殷其登名民三百六十夫亦見周書隨巢子司馬自白登進名賢之人猶言升聞也如淳引呂氏春秋曰魏文侯勝齊天子賞文侯以上門樊噲傳破李由軍賜上聞爵晉灼曰名通于天子也

新士新試士也○王制論秀士升之司徒曰選士升之學曰俊士皆曰造士告於王升之司馬曰進士學記中季考校周禮曰大比此猶之試士也夏官司士故士注曰故為士者疏曰新升試士未得正爵者為新士

重試曰覆試○舊說甚后覆試崔沔第一覆試自此始唐志高祖詔諸州明經秀才俊士進士縣考試州長重覆歲隨方入貢

此唐法也漢左雄議舉士先試之公府又覆之于端門張成除此科黃瓊言覆試之作將以覆虛實濫不宜改革則漢已有覆試事矣乾德六年詔舉人有父先食祿者覆試紹興十後省覆試今童生猶覆試鎖廳彌封糊名謄錄皆詳于宋而後因之吳康齋見搜簡歎曰辱士至此遂出天順中李賢薦微為春坊辭歸豈可以尹楚齋之吹疵而抹殺哉

漢有童子郎唐宋開童子科○漢左雄奏汝南謝廉河南趙建季十二能通經拜童子郎臧洪十五拜童子郎黃琬以公孫拜童子郎梁天鑒七季岑之敬十六擢高第除童子奉車郎唐志十歲以下能通一經及孝經論語誦文十通者予官通七者與

出見員半千裴耀卿王丘皆擢童子科李泌楊炯則舉神童矣
淳化二年賜秦州童子譚孺卿出身雍熙得楊億咸平得宋綬
景德得晏殊仁宗時童子賜出身者十人寶元罷天下舉念書
童子高孝時皆有童子求試而受官者今則試秀才例稱童生
而已景泰中李東陽六歲召見書龍鳳龜麟字八歲試益稷篇
命肄京庠打馮稷下第也○李肇國史補曰進士為時所尚久
矣其都會謂之舉場通稱曰秀才投刺曰鄉貢得第謂之前進
士互相推敬謂之先輩俱捷為同季有司為座主京兆府考而
升者為等第外府不試而貢者曰板解將試自保曰合保羣居
而試曰私試造請權要曰關節激揚聲價曰往還既捷列名慈

選乾德參選雍熙置三班院元豐定四選紹興編七司例冊○
漢成帝建始初置尚書有常侍曹主公卿事又有二千石曹掌
郡國二千石後漢始改為吏曹主選舉祠祀尚書令總之後又
為選部靈帝以梁鵠為選部尚書魏改選部為吏部陳蕃為光
祿勳與五官中郎將黃琬共典選舉疏曰陛下空擇從忠善尺
一選舉委尚書三公呂強疏曰舊典選舉委三府三府有選參
議掾屬咨其行狀若無可察然後付之尚書今但任尚書或復
敕用蓋漢時尚書官小也晉李胤刊定選例而著令王戎領吏
部始為甲午制劉宋大明中分吏部尚書置二人齊和帝時梁
弋嘗表大選部天監中徐勉撰選品唐六典曰三銓曰尚書銓

中銓東銓四事曰身言書判三類曰德才勞凡流外兵部禮部
舉人郎官得自主之曰小選太宗時以歲早穀貴東人選者集
于洛州謂之東選高宗時以嶺南五管黔中都督府得郎任土
人而官或非才乃遣郎官御史為選補使謂之南選吏部員外
郎掌選院謂之南曹長安志選院在尚書省南選人看榜處乾
德二季詔流內銓聽四時參選不俟冬集雍熙四季置三班院
供奉官殿直承旨為三班嘉祐徙三班院于文思院西志曰三
班院文臣兩制以上丞臣諸司使以上掌之元豐五季吏部分
選有四文臣自朝議大夫大理正以下非教授者歸尚書左選
丞自皇城使以下非宣授者歸尚書右選自初仕至幕職歸侍

思寺曰題名會大宴於曲江亭曰曲江會籍而入選曰春關不
捷而醉飽曰打盹燥匿名造謫曰無名子退而肄業曰夏課挾
藏而入曰書策打鼾謹見地理志即打盹燥也

覓舉梯媒言關節也○薛登曰方今舉士詔下陳篇希思奏記
誓報俗號舉人皆稱覓舉禮部采名故預投公卷榜宗元上權
德輿溫卷後周實儀請進士省卷納五軸以上崔郾試士吳丞
陵以杜牧阿房賤予之請以第一人處牧之錢徹不聽段文昌
李紳託而賤蘇軾以題致李廌而為二童得可見科場采名或
以關節買舉自昔然矣陶九成言關節謂之梯媒
初登第有燒尾宴大臣獻會亦曰燒尾○大臣拜官獻會天子

曰燒尾蘇瓌獨不進韋嗣大趙彥照崔湜轉官中宗皆令于興慶池燒尾邵氏聞見錄士人登第必展歡宴謂之燒尾說曰虎化人惟尾不化須得燒去又曰新芋入羣須燒其尾又曰魚化龍必有雷火燒其尾唐太宗問宋子奢燒尾事以燒芋為對石林瓌語亦莫能折衷也筆叢作朱子奢淡墨擅書首院榜也○撫言進士榜用黃紙以淡墨擅書禮部貢院四字於首賈公談錄云李紆侍郎放榜未填榜首四字疾命吏士相相善書時醉以擅筆染不能加墨迨明方覺字體濃淡相間反致其妍後遂為故事

後漢始有選部晉有選例梁有選品唐有三銓有小選東選南郎左選自監掌至供奉官歸侍郎右選神宗謂三代兩漢無文選之別故命蘇頌定之紹興四年詔吏部編七司例冊淳熙修七司法紹興十九年上吏部續降七司通用法續降者續降朝旨也愚者曰漢襲秦郡縣猶有封建意守令自用其屬而吏皆上達耳目親而試之明故漢最得人自隋奪天下權予吏部貢一手知天下人才公者執例而已崔銑胡世寧高東陳建之議宜寫一通以進

注擬選冊也○山濤每缺啓擬後因大品格注其人才以四事三類定其留放謂之注擬唐三品以上冊授五品以上制授六品勅授皆由尚書省奏擬

厭唱選人受注而唱名也○唐法五品以上不試上名中書門下六品以下始集而試觀其書判已試而銓察其身言已銓而詢注其便利已注而唱下厭者得反通其辭三唱而不厭聽冬集

過官過門下省也○故事三銓三注三唱而後擬官季春始畢乃過門下省猶今之過堂也楊國忠兼文部尚書密定員閣於都堂試唱子是門下過官三銓注官之制皆廢奏受具題也厭者為申上于僕射乃上尚書有給事中讀之黃門侍郎省之侍中審之然後以聞主者受旨而奉行焉謂之奏受按今文選單月急選雙月大選掣籤于棕棚具本日題其私情或陳諫則

曰奏奏本長題本一寸吏部掣籤選官始于太宰關中孫公丕揚後遂踵之

凡拜官則給告身○唐制拜官之日卽給告身其人先輸朱膠綾細價方准書給大將軍告身一通止易一醉此猶今之空頭劄也唐選舉志曰三銓注擬奏受視品及流外則補皆給以符謂之告身此似今之文憑于文定謂告身卽今之告勅也宋之制亦然每至宣麻誡告鎖院演綸詞頭以下外人未知其密且重如此

漢有課第有功次魏有都官考課法晉有九班制元魏有勳書唐有考簿宋有磨勘○漢選部猶周官司士也三歲稽士任而

進退其爵祿猶後世之考功也漢御史中丞總領州郡奏事課第諸刺史刺史課郡國二千石郡文課縣兩府九卿雜攷郡國之計天子受相國之要光祿第郎從官孝元使尚書選第中二千石選第猶課第也課其殿最也其曰連最連稱最也功次計功幾次也兒寬為掌故功次補廷尉文學卒史馮奉世為郎功次補廷安長薛恭本縣孝者功次稍遷衛綰為郎功次遷中郎將是也尤異最尤異也魏明帝詔敬騎常侍劉邵作都官考課七十二條晉九班制劉頌為吏部尚書所建杜預受詔為黜陟之課略曰末世疑心而信耳目疑耳目而信簡書漢刺史歲終奏事不制算課而清濁相舉魏氏考課即京房遺意失于苛細

以遺大體故歷代莫能通也詔書以考課難成聽通荐例卒不行矣元魏朝堂黜陟郭祚奏景明考格盧同為左相關吏部勳書檢覈竊階者三百餘人唐考功差以九等敘以四善外有二十七最負觀歲定京官望高者二人分校京外官考給事中中書舍人各一人蒞之考功郎中判京官員外判外官考故事考簿朱墨咸通王徽建議以墨其六條黜陟則遣使行也唐虞九載魏晉以後六周唐因隋為四又減為三考宋以三季為滿四朝志曰考功以七事考監司以四善三最考守令淳化四季以考校京朝官為粟曹院幕職州縣官為考課院旋以考課院歸流內銓祥符九季磨勘京朝官天禧詔審秩及三季審官院磨

勘嘉祐有考績新書磨勘以中丞學士典領紹興舉荐按察四條沈該劾司馬光所請也

季勞遷敘也○唐志凡居官必四考四考中中進季勞一階敘凡季勞歲一敘給記階牒宋太月限考滿卽遷卽季勞也

書考自書其課迹也○宋太宗罷歲月序遷之制欲修唐制書考之事興國六年詔京朝官釐務于外者咸給御前印紙令書治迹雍熙四年知州通判給御前印紙書課績

曰流內者自隋始曰流外者自唐始○隋置九品品各有從自四品以下每品分爲上下凡三十階自太師始焉謂之流內流內自此始又置視正一品至九品品各有從自行臺尚書令始

焉謂之視流內自此始唐因隋制又置視正五品視從七品以除薩寶及符被正謂之視流內又置勳品九品自諸衛錄事及五省令史始焉謂之流外自此始劉祥道言歲入流千四百人欲歲定爲五百人魏元同言諸色入流歲以千計曰流外者猶今言未入流也

假版班品之卑者○陸機表注凡王封拜謂之版官卽漢尺一版拜用之遺也隋官志曰陳有版咨議參軍版長史之類晉華譚傳謹奉還所假左丞相軍咨祭酒版晁錯言里有假士連百假五百五百師名也邑有假候後志有軍假司馬趙充國從貳師班超從賈固皆假司馬似今之劄付官晉大行臺之時所任

承制拜封皆假官也

官京師曰京官常參曰升朝官○京朝官蓋有分別陸務觀曰唐自相輔以下皆曰京官常朝曰常參官宋初以常參預朝謁曰升朝官元豐以預宴坐曰升朝官合之則曰京朝官

抹階辭免除授之故事也○學士院辭免除授賜詔皆留其章葉石林曰今降批表院中用紙連其章後書省表具之字必長作表字備一瞥通其章階伏上謂之抹階使不復用舊銜意

以他官兼曰貼職○史館昭文館集賢院為三館皆寓崇文院直館直院謂之館職以它官兼者謂之貼職劉禹錫集荆門縣記云禹錫方以郎伏帖職于計臺帖職字當始此元吏房三科

三曰貼黃今奏本約其事曰貼黃而清黃則兩選校黃封也

官制 爵祿

漢賜民爵唐曰賜民古爵宋賜高季爵○大事記晉賜天下民爵自惠帝始後漢書注劉邵爵制曰春秋不更庶長已見商鞅修其法品為十八級合關內侯凡二十等百官表曰爵一級曰公士二上造三簪裏四不更五大夫六官大夫七公大夫八公乘九五大夫十左庶長十一右庶長十二左更十三中更十四右更十五少上造十六大上造十七車庶長十八大庶長十九關內侯二十徹侯避屯諱曰通侯賜爵自公士以上不得過公乘賜爵者有罪得贖貧者得賣與人高紀詔曰民各歸其縣復

故爵又曰七大夫公乘以上皆高爵也異日秦民爵公大夫以上令丞與抗禮今吾于爵非輕也其令諸吏善遇高爵于文定言漢賜民爵不知其制智按唐劉知幾所陳海內具僚九品上每歲賜赦必賜勛階至于會宴緋服多于青衣象版多于木笏可見其濫蓋庶官晉加階級而不及平民與漢異宋遇郊赦普賜恩階所及雖多而時頗希闊與唐亦異于文定言唐宋無賜民爵事殆未考耳智按唐高宗紀乾封元年封禪改元中宗神龍元年祀明堂大赦玄宗天寶八載謁太清宮大赦德宗大曆十四季卽位大赦皆賜民古爵宋端拱元季賜高季百二十人爵爲公士開寶中澶密等州民季八十以上賜爵公士咸平五

季賜京城父老百十九歲祝道品爵公士祥符三季賜祥符等縣季八十以上者爵公士祥符二季以天書降賜爵王伯厚曰秦漢以後不復賜民爵自藉田禮成端拱詔始復賜焉智按魏文帝黃初元季賜天下男子爵人一級三季太皇太后賜爵一級明帝太和元季賜天下男子爵人二級青龍元季亦然則魏猶踵故事也文定所言漢賜民爵不知其制智亦疑之疑天下民盡賜爵大社稷卽位皇太子改元思詔重複則幾無百姓矣常見漢詔賜高季帛又因宋賜民爵必以高季乃始較然于漢詔所稱民殆鄉老或里長之謂乎猶今之耆民壽官也其公乘以下觀高帝詔令諸吏善遇高爵則公士等猶天民耳卽漢詔所

云从大吏前曾不為沒也時用以贖罪而已惠元季民有罪得
賣爵二十級以免死罪應邵曰一級值錢二千凡為六萬若今
贖罪入三十疋縑矣六季令民得賣爵入粟拜爵是錯之議也
六石為上進稍增至四千石為五大夫各以多少級數為差景
帝時修賣爵令裁其賈以招民武帝置武功爵會貨志曰級十
七萬凡直三十餘萬金是何其貴也又何不分上下之等豈造
士與軍衛同價乎劉氏曰級為十七衍萬字也臣瓚曰茂陵中
書有武功爵一級曰造士二曰閑輿衛三曰良士四曰元戎士
五官首六秉鐸七十夫八樂鄉九執戎十政戾庶長十一軍衛
則止十一級楊僕傳以千夫為吏功臣表陸量侯須無曾孫秉

鐸聖灌嬰曾孫官首匿皆武功爵也魏志建安二十季始置名
號侯爵十八級關中侯十七級皆金印紫綬置關內外侯十八
級銅印龜紐墨綬五大夫十五級銅印環紐墨綬皆不食租與
舊列侯關內侯凡六等以賞軍功裴松之以為今之虛封蓋自
此始爵曰不更言不更卒也後左右中更言用更卒也簪裹舊
注御駟馬者要裹古之名馬也駕駟馬者其形似簪智不謂然
蓋導加冠曰簪以組帶馬曰裹也考洪武時曾賜民爵里士鄉
士

周五等漢用其二魏凡六等晉五等唐九等宋五等明用三等
○漢二等爵魏咸熙元季建五等爵晉太五等有六國次國小

國郡公郡侯自魏黃初三季制封王之庶子為卿公嗣王之庶子為縣侯公侯之庶子為亭伯晉泰始二季詔曰本為縣侯者傳封次子為亭侯為卿侯為關內侯皆食本戶十分之一唐百官志司封凡爵九等一曰王食邑萬戶正一品二曰嗣王郡王五千戶從一三曰國公三千戶正二四曰開國郡公二千石從二五曰開國縣公千五百戶正三六曰開國縣侯千戶從三七曰開國縣伯七百戶正四八曰開國縣子五百戶正五九曰開國縣男三百戶從五通典并云其上加實封者仍給租庸凡封戶三丁以上為率歲租三之一入朝廷食實封者得真戶分食開元勅諸食實封並以三丁為限開元十季詔宰相共食實封

三百戶以七丁為限堂封自此始將帥封王自天寶九載始宋用五等以勳階進明朝封爵止公侯伯三等而位俱在一品之上異姓王但有追封而已

景風紹封以夏封也○和紀永元詔曹相國後容城侯無嗣求近親宜為嗣者須景風紹封以章厥功注春秋考異郵曰夏至四十五日景風至則封有功三王世家因盛夏吉時定皇太子位月令大夏之日封諸侯下勁惠王衍傳注和帝賜彭城王恭詔差次下邳諸子上名將及景風拜授印綬馮異傳安帝詔二十八將絕世者分別署狀上將及景風章敘舊德盧植規竇武曰准之前事將有景風之祚

餐錢月奉也○高后紀列侯幸得賜餐錢奉邑注餐錢賜厨膳錢也奉邑本所食邑也周禮大宰注祿若今月奉疏曰古者祿皆月別給之漢之月奉亦月給之古制祿不計錢陸贄曰三代以會人眾寡為差兩漢以石數多少為秩史記樊噲自三百石吏以上而効之以石計祿始見于此後百官志百官受奉例大將軍三公奉月三百五十斛遞減至佐史月八斛凡諸受奉半錢半穀外戚傳僖華秩視真二十石汲黯傳以諸侯相秩居淮陽注如淳曰律真二十石月百五十斛歲得千八百石是石與斛之數無殊石卽斛也然則量數百五十斛以名祿則曰千八百石猶有古制祿不計錢之遺意晉百官表注曰漢延平中中

二千石奉錢九千米七十二斛真二十石月錢六千五百米三十六斛則漢百官俸米多錢少于此可見其數減于前漢者後漢裁之也古時大臣祿賜甚厚既有國土而賜予動千萬如黃金百斤其常也開元二十四季定百官俸一品月三十千遞至九品月一千九百餘大曆十二季加京官俸三公宰相每月各一百二十貫又百職分田一品歲七百石自會昌以後三師二百萬三公一百六十萬侍中百五十萬令僕百四十萬尚書御史大夫一百萬節度使三十萬此計一歲而言也一萬當為十緡二百萬則為二千緡矣宋乾德置俸戶祥符五季加職官月俸三師三公百二十貫此與大曆相近北漢劉崇以太原建國

宰相月俸百緡乃今一統宰相月俸猶不能半鄭端簡曰祿涼于宋而蠲復之恩科愈厚至推三代一加見爵則千古曠絕之恩矣宋元封贈大父母降父母一等封贈父母降本身一等斗食祿少也○通典斗食太常明堂員吏至雒陽令員吏月十一斛斗食差優於佐史佐史月八斛秦范睢曰自斗食以上有非相國之人者乎王翦歸斗食以下秩薛宣傳為大司農斗食屬師古曰斗食一歲不滿百石

寄祿官猶今之勳階也○夢得曰制寄祿官銀青光祿大夫與光祿正議中散朝議皆分左右朝議中散有出身人皆超右其餘竝以序遷宋太祖階級法曰一階一級全歸伏事之儀續演

繁露曰政和二年勅特進至承務郎為寄祿官承直郎至迪功郎為階官蓋元豐時未分寄祿與階官故人以非職官為階官近制則以特進正尹少尹為勳以大夫郎為階而無寄祿例

霍料幕府官俸也○松陵唱和皮日休云酒坊吏到常先見霍俸符來每探支注云吳都有霍料宋景文祁筆記不知鶴料王洙李淑皆不知按墨莊漫錄曰曾文彥知滁州有和表弟西齋詩寧羨一囊供霍料會看千里躍龍媒注云唐幕府官俸謂之霍料

通雅卷之二十三
桐山方以智密之輯著
同里姚文燮經三較訂

通雅卷之二十三

桐山方以智密之輯著

同里姚文燮經三較訂

官制文職

三名公卿大夫也○周禮疏引易通卦驗云天地成位君臣道
生君有五期輔有三名注公卿大夫也政教君臣起自人皇之
世至伏羲因之故文耀鉤曰伏羲作易名官者也
黃帝有五官九工少皞五正唐虞有六官九官○史記黃帝建
大五行于是有天地神祇物類之官是謂五官管子呂覽皆言
黃帝五官以正人佻文選王融策文九工開于黃帝序注黃帝也

雲官有五人有同德四人合爲九少皞五正見千蔡墨之說五行正也通典堯置天地四時之官爲六卿舜爲六官以正天地四時說苑曰堯時舜爲司徒契爲司馬禹爲司空稷爲田疇夔爲樂正倭爲工師伯夷爲秩宗皋陶爲大理益掌敝禽爲九職劉向傳舜命九官濟濟相讓注禹司空棄后稷契司徒咎繇士垂其工益虞伯夷秩宗夔典樂龍納言周禮疏曰堯舜官號稍改其時官名益曰稷曰司徒是天官稷也地官司徒也又云命羲和仲叔使分主四方注仲叔亦羲和之子堯旣分陰陽四時又命四子爲之官掌四時者字曰仲叔則掌天地者其曰伯乎是有六官分命仲叔注云官名益春爲秩宗夏爲司馬秩爲士

冬爲共工通稷與司徒是六官之名鄭玄分陰陽爲四時者分高辛時重黎之天地官使兼主四時耳共工注水官也堯天官爲稷又司徒士此二官是堯時事舜述前功秩宗舜時官也惟無夏官之名夏傳曰司馬在則羲叔爲夏官是司馬也鄭玄曰初堯冬官爲共工舜舉禹治水堯知其必成功故改命司空以官名龍異之非常官也禹登百揆之任捨司空之職爲共工與虞垂益是也始羲和之時主四岳者謂之四伯後分至八伯堯初天官爲稷至試舜謂之百揆舜命禹爲之卽天官也崔靈恩曰舜改地官爲司徒秋官爲士冬官爲司空春官秩宗五官配五行也○自黃帝建大五行少昊五鳩氏顓頊大五行

之官唐虞百揆四岳象天之有五行也孔穎達周官疏曰百揆一人四岳內典四時之政四人也孔平仲則謂四岳為一官俱是縣擬曲禮曰天子建天官先六大次五官注此蓋殷時制呂氏曰殷人尊神卽堯命羲和舜齊七政洪範首五行之意也其實唐三代皆有六官皆有九卿考工記疏六官之記可見者堯者重黎之後羲和及其和叔四子掌天地四時夏書乃召六卿商周稍改職名六官之數則同通典曰夏制九卿殷因亦如之三少六官也智嘗論六宗之名與二賢之說以為凡數五卽有六五為生數之終六為成數之始從一至十五六固天地之中數也如五禮卽有六樂五音卽有六律五運卽有六氣皆自然

之理東曰青龍南曰朱雀西曰白虎北曰玄武玄武者龜與蛇也木曰勾芒火曰祝融土曰后土金曰蓐收水曰玄冥玄冥則少皞之二子曰修曰熙也人身一心一肺一肝一脾而腎有二六宮貴神則土有二六氣則火有二蓋土為終水為始而水火相交水土相成也龍馬言曰六官之名冢大也宰制也司徒徒眾也宗伯禮以宗為先司馬兵以馬為先司寇冠冠所常防治也司空之空為何物乎堯制司空之官以寵禹卽宰相也漢三公以司空配之猶古意也商以大宰為前列周拜列而重其權蓋冢宰兼相職而司空是相佐也以五行言之地官為主天一生水則天與水猶二水也然則司空篇亡非亡也本無職掌以宰

相時兼之耳此說甚奇故存之以備論

漢有官簿有儀品魏晉有品令唐有格令宋有班簿有具員○
安帝詔舉刺史長令相清白敕身率下者無拘官簿注謂不拘
常牒也後百官志曰班固著百官表職分未悉故依其官簿粗
注職分以為百官志注曰百官簿劉昭補志序所云百官就乎
故簿是也應邵有漢官儀隋志王隆作漢官解詁胡廣注樊長
孫與劉千秋書曰張平子次述漢事莫能大顧見汲令王文山
小學漢官篇足知舊制儀品荀攸撰魏官儀徐宣瑜晉官品晉
志又載魏晉官品令後魏志曰晉品令有正無從唐開元刊定
職次著為格令宋開寶詔除授京官依朝官例降勅御史臺班

簿十日一上中書太宗閱班簿擇近臣舉官慶曆中中丞張方
平言臣狂翰林見天聖中具員元豐六季李清臣為備選具員
十冊此如今之御覽冊也按表少府若盧注引漢品令則漢先
有品令之書矣唐寔錄宣宗命宰相作具員御覽

中臺尚書省東臺門下省西臺中書省也○中臺亦稱都臺始
于漢成置尚書至後漢而權重唐龍朔改曰中臺都堂居中左
右分司都堂東有吏戶禮部三行西有兵刑工部三行每行四
司凡二十四司中書舊有其官魏晉始謂之中書省北魏曰西
臺龍朔亦然光宅曰鳳閣開元曰紫薇自黃初置監晉因之又
置舍人齊通事舍人四員各住一省曰四戶權傾天下晉孝遂

來常居內殿以省官一人司詔誥佐在西省因曰西省郎唐中書舍人為文士之極任門下省後漢謂之侍中寺晉志曰給事黃門侍郎郎中俱管門下眾務龍朔改曰東臺光宅曰鸞臺開元曰黃門省給事中加官也隋置吏部給事郎煬帝移為門下之職又有左諫議屬門下煬帝廢之唐武德復置四人貞觀于門下省置起居郎二人郎起居注也相沿皆謂之三省曰臺者別稱也謝靈運晉書曰漢尚書為中臺御史為憲臺謁者為外臺曰三臺蔡邕以待銜史轉持書御史遷尚書三日之間周歷三臺其曰八座者六典曰後漢以令僕射六曹尚書為八座今以二丞相六尚書為八座唐不置令也宋齊有三臺五省謂尚

書中書門下秘書集書省元豐制門下中書增建後省置諫官筆塵曰霍山錄尚書有上書言其罪者山屏不奏其書後上書者盡奏封事輒使中書令出取不關尚書可見尚書是士人中書則宦官也及江左至唐乃以中書尚書列為兩省中書傳命尚書受而行之則尚書外庭吏也唐之設翰林學士于禁中專掌制命而中書亦少疎矣及元設中書省而以尚書隸之則中書外廷臣也今之內閣則漢之尚書令唐之中書省而司禮中官則漢之中書令也漢制大將軍佐三公下及竇憲伐北國還佐次太傅在三公之上自是東漢官制太傅第一太將軍次之太尉次之司徒故丞相也又次之司空故御史大夫也又次之

西漢有三府丞相御史大夫大將軍也其後增二將軍謂之五府東漢有五府太傅太尉司徒司空大將軍也西漢所謂三公者丞相太尉御史大夫而已其後以大將軍代太尉而以大司馬號冠之然猶一官耳東漢承元成之舊以司徒代丞相司空代御史大夫司馬代太尉為三公而大將軍位三公之上與司馬為二官矣曹操為丞相位三公上而丞相與司徒亦為二官矣東漢之末以太傅總百揆為首相太尉次之司徒次之司空次之而大將軍號或在大傅之下太尉之上有五公矣晉初以太師太保司徒司空為文官公而以左右光祿大夫開府者為從公太司馬大將軍太尉為武臣公而以驃騎車騎開府者為

從公有八公矣已而齊王固之徒又自為丞相不在八公之數則又冗矣智按江左自劉宋以後宰相無常員惟人主所與議論政事委以機務者不論行之大小皆真相也陳後政事并由中書有舍人五人分掌二十一局各當尚書諸曹竝為上司尚書聽受而已荀勗以為鳳凰池即其端矣此中書之重也北朝惟重門下三公尚書非帶侍中銜不得聞政此門下之重也唐則竝重已而通重已而重中書云

內錄錄尚書事也○桓温固讓內錄是也人稱會稽王道子為東錄世子元顯為西錄東第可設崔羅言朝狂西元顯執權也今詹府有錄事小官也然亦因其名孔叢子桓子勣論皆以大

麓為大錄

晉以後之侍中乃宰相非秦漢之侍中也○秦侍中本丞相史也五人往來殿內東箱奏事謂之侍中漢為加官分掌乘與服物武帝以孔安國儒者掌御唾壺朝廷榮之表曰侍中左右曹諸史散騎中常侍皆加官侍中中常侍得入禁中諸曹受尚書事諸史得舉法散騎騎並乘輿車給事中亦加官志曰屬少府比二千石周禮太僕千寶注曰若漢侍中西漢侍中有嚴朱東方吾丘蘇迭歐陽地餘王高師丹諸人班穉為黃門郎中常侍朱穆曰中常侍故事參選士人建武以後悉用臣者矣晉志曰黃帝時風后為侍中周為常伯之任秦漢無定員後漢曰侍中

寺即門下省也冠武弁大冠加金璫附蟬為又貂尾為飾三省既大則侍中為門下省之長官給事黃門侍郎散騎常侍俱屬門下稱曰黃散唐初因隋為納言後屢更改總之自晉以後門下省長官即宰相也

漢有丞相府唐宋有政事堂非今之東閣也○鄧通詣丞相府鵬雀飛丞相府是也唐志曰三省長官議事于門下省政事堂後裴炎自侍中遷中書令乃徙政事堂于中書省開元十一季張說為相又改政事堂號中書門下列五房于後神宗史志中書門下在朝堂西榻曰中書為宰相政事之所又有中書省門下省者存其名列皇城外中書省但掌冊文覆奏考帳門下省

主乘輿八寶朝會佗版流外考校而已中書令侍中不任職元
豐官制行悉釐正之乃廢中書門下省之在皇城外者併朝堂
西之中書堂爲門下中書兩省以左右僕射兼門下中書侍郎
又以兩侍郎副之神宗曰中書省揆而議之門下省審而覆之
尚書省承而行之哲宗太呂公著言唐太宗以三省長官共議
從之建炎三季始合三省爲一按今之東閣則學士之房耳故
無文移可行

大府漢丞相府也○以張湯甯成掾以湯爲無害言大府調茂
陵尉注師古曰大府丞相府也趙禹爲丞相史周亞夫曰文深
不可以居大府蔡質漢儀曰司徒府與蒼龍闕對厭于尊者不

敢號府應邵曰不然丞相舊佗在長安時府有四出門隨時聽
事明帝欲依之迫于太尉司空但爲東西門耳荀綽晉官表注
曰漢丞相府門無闌不設鈴不警鼓深大廣遠無節限也

唐宋政事堂皆在朝堂之西○唐門下省爲政事堂裴炎移入
中書省政事堂有北門過中書舍人院咨訪至常袞乃塞之李
華有中書政事堂記言裴炎之非李庾賤曰西則月華重啓銀
臺內向中書汪焉周密宰相舊記廣德二季令射生自光範門
逆郭子儀注大明宮含元殿西爲光範門韓愈上宰相書伏光
範門外是可推也宋官志曰中書在朝堂西是爲政事堂宋中
書門下并列于外又別置中書于禁中爲政事堂與樞密院對

掌大政乾德二年置參知止令就宣徽廳上事
宰相有平章參知同三品之名唐也○尚書令侍中中書令為
宰相不輕授人常以他官假以他名貞觀八年李靖辭休三兩
目一至中書門下平章事平章事起此蕭瑀以太子太保李勣
以詹事同中書門下三品同三品起此然二品不專用高宗以
後為相者必加同三品而張文瓘以東臺侍郎同東西臺三品
同三品入銜自文瓘始永淳元年以郭待舉等同承受進止平
章事平章事入銜自待舉等始通典曰侍中中書令為真相尚
書令則太宗曾為之郭子儀懇辭是也其以他官參掌者但加
同三品及平章事知政事參知機務參與政事之名并為宰相

卽漢韓安國張湯為御史大夫行丞相事之例也蓋高宗以郭
待舉岑長倩郭一正魏玄同為相以其資任尚淺未可與諸相
同名且令預政事與中書門下同受進止平章事此時雖不設
尚書令而左右僕射卽為真相同三品者次之同平章事又次
之至宋時遂以同平章事為正相而以參知政事為次相然則
宋之參知政事卽唐同平章也元以丞相居平章事之上則猶
唐始太平章之意也宋之丞相卽參政也元乃以參政居左右
丞之下

中書樞密宋之兩府然考漢唐之始名皆宦官也○漢之中書
今本宦官也至江左而為宰相唐之樞密使本宦官也至五代

時以樞密使爲內輔臣宰相爲外輔臣而樞密之權重于宰相如宰相兼樞密則得專大政如罷樞密之權但爲宰相其任及輕亦如唐之左右僕射也蓋郭崇韜之于莊宗安重誨之于明宗然皆以佐命元功入爲樞密刑賞黜陟無不由之其勢然也後晉太祖懲其橫肆遂廢樞密以印付中書而宰相之任始專矣唐初樞密之設蓋于政事堂後列五房有樞密房設以主曹務乃宰相文書之所也宣宗以後始設東西樞密兩院以宦者爲使而樞密之任歸之其權與宰相等矣唐莊宗卽依以豆盧革盧程同平章事郭崇韜張居翰爲樞密使始以外官爲之而樞密之任親于宰相以其與聞者密也有宋建國因五代之舊

以中書爲相樞密爲將謂之兩府而宰相之權重于樞密矣唐末兩樞密使及左右中尉柄事禁中與宰相表裡號爲中貴亦稱內大臣樞密卽今之司禮中尉卽今之東廠也唐金吾衛屬南衙卽今之錦衣羽林衛屬北衙卽今之東廠李輔國欲選羽林騎士五百以備巡邏蓋欲以北牙禁旅侵南牙之職故宰相李揆急奏止之輔國又署察士數十人潛令于人間聽察細事有所追索諸司無敢拒者夷朝恩專權亦于北軍置獄使坊市惡少季羅告富室沒其家資則成化崇禎間之西廠矣儀司三司同三公之三司也○東漢太尉司徒司空謂之三司鄧騭爲車騎將軍儀司三司自是南北因之有儀司三司之名

矣唐又以鹽鐵度支戶部為三司天祐三季以朱全忠為鹽鐵度支戶部三司都制置其名始于此三司使名始於後唐張延朗玄宗時楊國忠至兼領數十使然未立此名也唐志凡寬而無告者三司詰之此謂御史大夫中書門下為三司太子監國則詹事庶子為三司

古小而今大者尚書侍郎也古大而今小者檢校提舉也○漢成置尚書官小侍郎則郎中滿三歲者後權曰重遂為公卿晉有檢校御史唐嘗加檢校尚書宋治平二季中丞賈黯請皇子及宗室卑屬除檢校三師官熙寧遣使提領轉運有提舉常平司又署都大提舉麟臺故事舊有提舉官政和七季置提舉秘

書省又有提舉太史局又有提舉宮觀之名今則檢校提舉皆為小職僕射秦官其職最小後漸為宰相漢有司隸校尉城門校尉八校尉戊己校尉而今為錦衣衛之班役

今之省中專指給事古之六部郎皆省中也○給諫原屬門下省今六科封駁猶其遺也尚書省向謂之中臺劉宋設在建禮門內曰內臺北齊曰都省曰北省唐神龍定為尚書省都堂居中左右分司都堂之東有吏戶禮部西有兵刑工部故稱吏部曰東曹兵部曰西曹通典曰吏兵部為前行戶刑為中行禮工為後行給事本加官劉向為郎中給事黃門六百石秩孔放李息卓茂皆為之所謂暮對青鎖門拜之夕郎也

漢之諸郎非盡尚書郎也○漢官云尚書郎初從三署郎選詣尚書臺試每一郎缺則試五人先試箋奏初入臺稱尚書郎中蒲歲稱尚書郎三歲稱侍郎曰蚡少為諸曹郎是尚書郎馮唐為郎中署長直不疑盜同舍郎金顏駟為郎楊雄為侍郎及諸言以貴為郎父任為郎皆二署郎也曰外郎者散郎也中郎者省中郎也呂氏曰三署五官左右也續志議郎六百石以文屬光祿勳通典曰尚書郎西漢置四人光武分六曹拜左右丞為三十六人更直五日于建禮門內入直官供青縑白綾被或以錦綉為之奏事明光殿含雞古香與黃門侍郎對揖侍郎稱已聞乃出丞郎日賜赤管大筆隄廩墨固已罷矣

依鳥郎府也○晉志郎位十五屋狂太微帝座東北一曰依鳥郎府也周之元士漢官之光祿中散諫議議郎郎中是其職也後人解依鳥謂為後袞樂府射鳥辭言明帝東巡有鳥鳴乘輿虎賁郎射中之遂令亭壁皆画鳥此附會也漢書作哀鳥古時哀有依音詳見天文

五花六押非今之舍人也○唐故事中書有軍國政事則中書舍人各執所見襍署其名謂之五花判事李泌曰給舍分司押事故舍人謂之六押蓋晉以後之舍人即漢尚書郎魏置中書通事舍人梁去通事字隋改內史舍人唐高祖改中書舍人又稱西臺鳳閣紫微舍人元豐官制行遂以中書舍人判後省之

事今則內閣舍人為宰相承行與兩殿舍人皆非正途惟中書
科之舍人准考選然非昔之任矣

唐以舍人季父者為閣老非今所稱閣老也○故事舍人季父
者呼為閣老宰相呼為堂老胡邦衡除龍圖閣學士周益公
賀詩有龍圖假為黃閣老之句

學士古史之遺而任遇殊矣○周官有左右史蓋今起居之本
漢或有禁中起居注後漢馬后撰明帝起居注則起居似女史
之任其後則近侍之臣記錄也歷代有其職而無其官後魏始
置起居令學士重于唐而亦昉于後魏文帝招文儒之士置崇
文館貞觀中崇文館有學士直學士員不常置也蓋自漢制侍

中為侍從之選出入禁闈掌直承明潤色典誥謀議政事已睽
迓矣而禮遇猶未尊嚴也魏改秘書令為中書令監等官掌贊
誥命記會時事典作文書而晉之舍人擬為鳳池可謂權要然
所司猶冗也至有翰林則為樞機者密之地而業是官者清華
極矣唐初設弘文館中宗用上官昭容之言置學士四人象四
時直學士八人象八節學士十二人象十二時遊幸禁苑無不
畢從大學士之名起此至宋時即以為宰相兼其官矣蕭梁有
壽光殿學士之號殿學士之名始此筆塵曰李肇翰林志曰唐翰
林院在銀臺門內開元二十六季別建學士院德宗移于金鑾
坡會要曰翰林院在銀臺門內麟德殿西廂重廊之後學士院

在禁中凡十廳南廳五間北廳五間中隔花甃承旨居北廳第一間其任最重第三間曰槐廳相傳居此必相中書門下二省皆供奉外官隨朝士入見謂之內供奉隨翰林院班者謂之翰林供奉卽今之兩殿兩房皆翰林供奉之遺法也唐自中宗以後學士之權重于宰相如陸贄之在奉天鄭絪之在貞元裴洎李絳在元和之初皆以帷幄密謀沒軍國大計用人行政惟所獻替及其爲相寵遇反不若焉卽有所建白視在北門亦若少減地之親疎不同也漢所謂不任三公政歸臺閣如此元大德七年郭守敬以先朝舊德累請謝事不許自是凡翰林太史官不得致仕遂著爲令彼所謂畫林者兼有書畫供設之流所謂

太史者卽今之欽天監官非詞林也今之詞林則兼古之宮僚禮官中書秘書學士舍人著作郎起居郎螭頭珥筆之任矣宰相以本學士而加官故無印止有文淵閣印以封進御覽此外卽支俸皆借翰林院印故于翰林院堂上設公座視相公幾位則幾座故曰中堂智謂今時宰相無其官而有其權地其權之漸重正似唐之學士而但論機務不論官正似江左遼北而有太林牙院韋文翰曰北面都林牙南面有翰林都林牙林牙亦通名如將作監都林牙太僕有羣牧林牙

詹事春坊本宮僚也○詹事秦官掌皇后太子家成帝省之并干大長秋長信詹事更名長信少府又改長樂少府又有將行

者應邵曰重后鄉也景帝更名大長秋或用士或用中人後魏有太子左右詹事唐置詹事府宋東宮有詹事少詹但品俱正六今制則詹事正三少詹正四也左右春坊蓋沿北齊及隋有門下坊唐龍朔改門下坊為左春坊左庶子為左中護改隋典書坊為右春坊右庶子為右中護左右諭德唐置以擬散騎常侍貞觀改中書舍人為中允龍朔改贊善今竝存其名司經局自晉以來有之梁之典經局唐之桂坊也皆以洗馬領之元有大子司經其曰校書正字昉于劉宋至北齊有太子校書郎翰司經局置正字二人由唐宋以後字僚可謂多矣近日則以翰林兼充之侍讀侍講則始于開元三季命馬懷素褚無量夏竦

侍讀遂置此名而宋仍之漢有太子家令寺十率府衛太子率要令太子僕今皆省但有舍人每正旦東宮于文華門之左門設坐受朝賀則舍人及東宮鹵簿衛士皆選良家子為之非官也十率府率要之率胡三省音所律反者是升菴弱侯音律者非
秘書著作史館前代分之今則皆詞林事也○拾遺記黃帝有四史宋衷世本曰沮誦倉頡為左右史呂覽淮南皆言夏大史終古殷太史向摯周有五史侯國亦置如蘇墨屠黍倚相廖虢是也秦有太史令漢成始置諫遷為之宣帝以其官為令行太史公文書修撰之職以他官領于是太史之官惟知占候而已

王莽改置柱下五史後漢至隋惟魏明太史中史職隸中書其餘多隸秘書唐武德因隋屬秘書省著作局貞觀移史館于門下省宰相監修李元紘奏罷史職其修撰史事以他官兼領宋以宰相監修修撰直館檢討無常員修撰以朝官充直館檢討以京官以上充掌修日曆及典修圖籍之事凡國史別置院于宣徽北院之東以藏之謂之編修院天聖修真宗史宰相提舉編修官以三館秘閣校理以下及京官充事畢卽停麟臺故事曰實錄院提舉如國史從官爲修撰餘官爲校討修撰之名始于唐張昌齡爲北門修撰孫述爲集賢修撰蔡京分修撰爲三等直閣爲六等此皆謂之貼職漢圖籍所任有右渠石室延閣

廣內貯之于外府又有中丞居殿中掌麟臺秘省及麒麟天祿二閣藏之于內禁後漢圖書在東觀桓帝始置秘書監一人屬太常晉或併入中書省惠帝復別置自是秘書之省始居于外東晉元康四季除著作佐郎著作西觀撰晉書隋秘書省領著作太史二曹龍朔改麟臺太史天授改麟閣神龍復舊其後國史太史分爲別曹而秘書但主書寫校勘矣宋建崇文館招文院端拱初建秘閣其實秘書郎校書郎著作郎正今之史館也劉向校書楊雄典校已有其任而未設官名馬融爲秘書郎詣東觀典校書蔡邕拜郎校書東觀是郎校書郎也魏明帝太和中始置著作郎官隸中書省掌國史後又置佐郎劉劭爲秘書

郎出乘鹿車王肅表論秘書丞郎乘鹿車此魏制也唐龍朔為
司文郎中咸亨復舊宋初為寄祿官元豐定名始有職掌修纂
日曆祭祀祝詞則著作郎佐之職略曰初除林希為大著豐稷
為小著是也其刊寫分貯集賢院史館昭文館秘閣則秘書郎
主之高承以侍讀起于明皇吳曾引陶弘景為侍讀起于梁
漢有講郎侍講之所自也○章帝詔高才生雖不大學官然皆
擢高第為講郎張輔子蕃以郎侍講趙典拜議郎侍議禁內此
其端矣

病坊言其間也○類要曰唐以秘書監望雖清雅而實非要劇
以監為宰相病坊丞及著作郎為尚書郎病坊秘書郎及著作

佐郎為監察御史病坊

大蓬言其仙也○鄭氏談綺曰秘書監曰大蓬後漢鄧章傳時
稱東觀為老氏藏室道家蓬萊山王元長曲水序記言事于仙
室謂藏室也

視草起艸也○淮南王安傳上報書及賜令相如等視草尚書
郎主作文書起艸沈括筆談曰學士院有視草臺每草制則具
衣冠據臺而坐唐有視草亭唐太宗屬文遣上官儀視草詩人
號上官體李德裕傳安邑里第有起草院

兩制者翰林學士為內制中書舍人為外制○李之儀姑漢集
荅吳子陽書曰唐開元末以翰林供奉為學士入院一歲遷知

制誥不作文書但備顧問參侍行幸而已延班隨本官若侍宴則座次宰相下故學士號內相其知制誥謂之內制用白麻寫從內降付外廷宣讀中書舍人是宰相屬官其知制誥謂之外制押案遇有所命則申之以詞而行下者也今官制行此等合改正智按此書則當時亦未改正矣後晉天福五年詔翰林學士院公事直并歸中書舍人自是舍人書直者當中書制夜直者當內制至齊王開運元年復詔翰林學士與中書舍人為兩制各置六員唐永徽中命學士一人待制宋景德置龍圖閣待制天聖有天章閣待制治平有寶文閣待制楊徽之等兩制皆預故事學士二員分直有大除拜過二制止則竝召二員謂之

雙宣又曰雙日鎖院隻日降麻故亦謂之雙鎖能改齊漫錄曰或后謂員半千宜留待制此其始也漢但名待詔所任亦遠神鈴鈴索也○蘇續志唐學士院深嚴人不可入中夜宣事必先動鈴索長慶中河北用兵鈴夜作聲鳴急則兵事急鳴緩則兵事緩李德裕詩曰銀華懸院榻風撼引繩鈴

搗文堂卽玉堂之署也○元城語錄太宗飛白書玉堂之署四字玉堂殿名疑或帝所造李尋傳曰父汗玉堂之署宋英宗曾撤去吳草廬祕笈云元豐中有學士乞摘去下二字搗院門詔可是乞以殿名名其署也續會要云徽宗政和五年御書搗文堂搗學士院有花磚道在北廳前堦日影及五磚為入直之候

李程嬾故號八磚

假龍老龍大小龍皆龍圖之稱也○方句曰舊制直龍圖閣謂之假龍待制謂之小龍直學士謂之大龍學士謂之老龍總呼龍圖葉夢得曰亦稱龍閣龍學又曰吏部尚書補外則除龍圖五曹則除樞密直學士相呼謂之密學

得周官六典之遺音著今日之六卿也○石齋黃公曰莽倣古矣然羲和司農納言合為一官秦倣古矣然冢宰司徒司伯係之三公斯豈古乎魏道成取雲鳥之號唐則天取鸞鳳之名皆泥古而不通于今前代亦有六部然屬于省中唐戶部無版圖兵部無戎帳虞水不管山川金倉不司錢穀而職名虛設宋既

有吏部又有審官院既有刑部又有審刑院既有兵部又有樞密院既有工部又有三司使而分散不一誠不若近制遠矣隱史曰黃公以周禮二十餘季僅見行于今日愚獨嘆者缺第一事也一者何奄寺不統于冢宰雖有鈇牌庸能不徹乎鄭端簡曰析一相而六此其初意詎知學士加官之為真相邪周官冢宰之權固重矣然自舜禹以來司空即為冢相知別有論周官六體是而文字不必盡信誠如未予論其內外相維之善誠如鄭節卿所論而瑣屑不必相倣則誠如馬貴與所論矣宋鄭伯謙字節卿作太平經國書發明周禮徐九一重刻之又按古時命官六卿有人公孤之人不別見是知公孤即六卿而大之猶

今六部加師保也

省眼天官也○選司亦謂之南曹亦謂左曹司勳亦謂勳府亦謂右闈劉禹錫為韋陟神道碑云是曹在南宮為省自在選士為司命鶴廳考功廳也唐考功員外廳事有薛稷画鶴故云今吏部有古藤或稱藤軒

版部地官也○亦稱民部魏有嚴部郎中唐司徒四屬曰戶部曰度支曰金部曰倉部唐張博濟為戶部郎中部有考堂天下歲會計處司金亦稱司珍司倉亦稱司庾司儲唐戶部侍郎有二員判使按者別一署謂之左戶

容臺春官也○唐虞曰秩宗商容為商禮官故稱容臺漢郡國

有容史舊說禮部郎中掌省中文翰謂之南宮舍人杜牧項求小儀小秋不遂鄭谷寄同季詩小儀澄澹轉中儀故今以為禮部司務之稱石林燕語禮部郎中元豈官制行謂之名表郎郎官別有印曰名表即印春明退朝錄云禮部員外為瑞錦窠因話錄云祠部呼冰廳言其清冷也冰去聲

五兵夏官謂中兵外兵騎兵別兵都兵也○魏始置五兵尚書皆太康又置七兵尚書以中外兵加分左右也

都官秋官也○漢成帝置三公曹主獄亦曰賊曹劉宋三公比部皆主法又置都官尚書主軍刑獄領都官水部庫部功論四曹開皇始改刑部唐因之天寶改為憲部亦曰西臺亦曰自雲

司

起部冬官也○共工冬官漢魏領于民曹自晉迄陳有所營作
權置起部尚書役竣則省隋始置工部尚書唐因之領工部屯
部虞部冰部四曹屯田一曰司田

通雅卷之二十三終

